

ወዚር ካርጅየት ኤሪትሮፖ ምስል ወዚር ካርጅየት መስር ለሀድግ


እት መስር ዝያረት ሸቅል ወዳ ለህላ እብ ወዚር ካርጅየት አሰይድ ዑስማን ሳልሕ ወንምያይ ርኢሰ አሰይድ የማኔ ገብረኣብ ለልትከውን ውቁል ልኡክ ሕኩመት ኤሪትሮፖ ምስል ወዚር ካርጅየት መስር አሰይድ ሳምሕ ሹክሪ እንዴ ትራክብ ሀድገ።

እተ እት የም 6 ማዕ እት መዲነት አልቃህሪ ለገብአ ወእት አደቅቦት ዐላቀት ክልኢተን ድወል ለረከዘ ህድግ፤ ክልኢተም ለጀህት፤ እት መጃላት ርዝቅ ዓሳ።

ሐርሴ ዓፍየት፤ ጣቀት፤ ተጃረት ወእስትሰማር እበ ትሰጀለ ሄራር ገናዑም ሸርሐው።

እምበል እሊ፤ ናይ ሕበር አህምየት ለሶም ናይ መንጠቀት ወእድንያይ ቅደይ አፍካር ትባደለው።

ውቁላም ለኣይክ ኤሪትሮፖ ወምስር፤ እተ ሐልፈ አውረሐት ሕድ ለሸብህ ህድግ እት አስመረ ወአልቃህሪ ክም ወደው ልትፈአቅድ።



መብነ ኩልየት ዕሉም 90% ተምም



ሕኩማት ኤሪትሮፖ ወጅምሁርየት ቻይነ እት የንዮ 2014 እብ አሳሰለ ፈረመወ እትፋቅየት፤ እብ ዝያድ 25 ሚልዮን ዶላር

ልትሸቄ ለህላ ሐዲስ መብነ ኩልየት ዕሉም 90% ምኑ ተመ።

ለእብ ናይ ቻይነ ህይአት ብንየት መደንየት ልትሸቄ

ለህላ እት 37,979 ምትር መረበዕ እት ገብእ፤ ናይ እዳረት፤ ቃዕት መደርሲን፤ መዕመል፤ እግል ተድሪስ ወእጅትማዓት ለሸምል ቃዓት።

መክተባት፤ አፍሱል ተድሪስ ክምስልሁመ ብዕድ መሳልሕ ለሸምል ቱ።

ናይብ ርኢሰ ሸኡን አካዳምየት መዕሀድ ቴክኖሎጂ ኤሪትሮፖ

ፕሮፌሰር ገብረሂወት፤ እግል ኤሪነ እተ ሀበየ ሐብሬ፤ ለመሸሮዕ ተኣምርተ ናይለ እት ፍንጌ ኤሪትሮፖ ወቻይነ ለህሌት ዐላቀት ትርድት ክምተ እት ሸርሕ፤ ለመብነ እተ መጽእ ወርሕ የንዮ እብ ከማሉ እግል ልትመም መስኢት ክም ገብእ እቱ እት ሸርሕ፤ እት ጠወሮት በቃዕት መአሰሳት ተዕሊም ውቁል፤ ዶር ዐቢ እግል ለህሌ እሉ ክምቱ ሸርሐ።

ለእግል ኩልየት ዕሉም ልትበኔ ለህላ መብነ እግል ሐድ 6 አልፍ ድረሳይ ክድመት እግል ለህብ መቅደረት ክምቡ ለሸርሐ

ፕሮፌሰር ገብረሂወት፤ ምስል ልትዐንደቁ ለህላ አላት፤ እግል ኩልየት ሀንደሰት ወኩልየት ተዕሊም'መ እግል ልክደም በቃዕት ክምቡ ሐበረ።

እሊ ወራት ብናሁ ሰኔ ልትሰርገል ለህላ መሸሮዕ፤ ክፋል ናይለ ከደማት ተዕሊም ውቁል እግል ወሰዶት እብ ሕኩመት ኤሪትሮፖ ገብእ ለጸንሐ ፊራሮ ወበራምጅ እት ገብእ፤ እግል ብዕድ ኩልያትመ እብ ሕድ ለሸብህ እግል ወሰዶት ሰቃት ክምህለ፤ ምን መፈወድየት መአሰሳት ተዕሊም ውቁል ለትረከበት ሐብሬ ተአፍህም።

እት ጠወሮት መቅደረት በሸር ዐድነ ዶር ዐቢ ለአገዳ ለህላ መዕሀድ ቴክኖልጂ ኤሪትሮፖ፤ እግል ኩልያት ሀንደሰት፤ ዕሉም ወተዕሊም ክምክም።

መዳላይ እግል መዳፈዐት ባልዲን ሐዲስ

እት ድወል ግዋሬ ለትረኣ ባልዲን ሐዲስ እግል ዳፍዶት፤ እት ክሉ አቃሊም ዐድነ መዳሊት ገብእ ክምስለ ህለ፤ እትው ሐርስ መስኡል ውሕደት ዳፈዶት ባልዲን አሰይድ ቴድሮስ ሰዩም ሸርሐ።

እሊ እት ምፍጋር ጸሓይ፤ ምግባይ ወምውዳቅ ጸሓይ አፍሪቀ ለልትረከበ 20 ደውለት እንዴ ወረ እት ዘርእ አግደ ህዩ እት ዕፋን መደረት ዐባይ ለአጀሬ ለህላ

ባልዲን እግል ዳፍዶት፤ ውዛረት ሐርስ ምስል ናይ መንጠቀት ወእድንያይ መዝማት እብ ትሉሉይ ሐብሬ እት ትትባደል፤ ናይ አድውየት፤ አላት ወመቅደረት በሸር መዳሊተ እርትዕት ክምስል ህሌት አፍህመ።

እሊ ሐዲስ ጅንስ ባልዲን አሰሉ ድወል አሜሪካ ክምቱ ወእት መደት ግዲዝ ዕፋን እት ቃረት አፍሪቀ ክም አተ ለሐበረ

አሰይድ ቴድሮስ፤ እት 30 ሳዕት 1600 ምእት ኪሎ ምትር ሰበት ነፍር እት ዕፋን፤ ብልቱብ፤ ሸዒር ወማሼለ ለመሰል ሐድ 80 ጅንስ ዘርእ ወቃትረ መደረት ዐባይ ክም ለአጀሬ ወደሐ።

ብቀት ናይለ ባልዲን፤ እምበለ እት አድውየት ለለአርእዩ ከህላት፤ እት አቀዋፍ ሌጠ እንዴ ኢገብእ፤ እት ከርስ ቅርድ ወብዕድ ከፈፍል ናይለ ሸትል እግል ልእቴመ ክም

ቀድር ሐበረ።

እት ደንገበ አሰይድ ቴድሮስ፤ እሊ ጅንስ ባልዲን እት ዐድነ ወመንጠቀት፤ ቀደም እለ ርኡይ ሰበት ኢለአምር፤ ፈረጎቱ እግል ልትሰደድ ሰበት ቀድር፤ ሐረሰቶት ለገእ ጅንስ ባልዲን ሐቀ ረኣው እብ ሸፋግ መክተብ ውዛረት ሐርስ እግል ለሐብሮ ትፋን።



ግብለት፡ ፈሬ መሕበር ምስኩናም ለልትሐመድ ወራታት ሰርግል



ማሕበር ምስኩናም ሐርብ ምሕበርበት ኤረትሮፖ ፈርዖ አቅሊም ግብለት፡ ዒን እቅትሳድ አንፋር እግል አድመኖት ወአሰነዮት አርድዮት ለለአጠፍሕ ወራታት ሰርግል ከም ሀለ መስኡላ ማሕበር አሰይድ ተሰፊልደት መንግስቱ ሐበረ።

ምስል አንፋር ማሕበር

ወመስኡሊን እዳራት ደዋይሕ ዲብ መዲነት መንደፈረ እተ ገብአ ልቃእ፡ አሰይድ ተሰፊልደት፡ እግል ምስኩናም አብካት ሰፊልደት ወተአሂል እንዴ ትዝመ መትነፍዐት እግል ልግብእ ጅህድ ገብእ ከም ጸንሐ እንዴ ሐበረ፡ አሰክ እለ ዲብ ናይ ትጃረት፡ ሐርስ ወአሸቃል ነኣይሽ ፍፋራም ለህለው ናይ ሐድ

56 ሚልዮን ሰፊልደት ከም ሀበ አፍሀመ።

መስኡል ከደማት እጅትማዕየት ምዴርየት መንደፈረ አሰይድ ማእከሌ ተሰፋሚካኤል እብ ጀሁቱ፡ እግል ምስኩናም ለትገብእ ናይ እጅትማዕየት፡ ወእቅትሳድ ሰዳይት ምን አውለውያት በራምጃቶም ከም ተ አከደ።

ከረን፡ ሽባን ምህነት

እት መዲነት ከረን፡ እግል መደት 7 ወርሕ ምህናት ለደርሰው 37 ሽባባት ዲብ ዮም 3 ማዮ ትድሐረው።

ለእብል ትፈናተ አሰባብ ምን ተዐሊም አካዳሚ ባዋራም ለዐለው ሽባባት፡ እብ

መዓወነት ማሕበር ወጠን ሽባባት ወደረሰ ኤረትሮፖ ወሰብ ሽርኩቱ ዲብ ትዝመ በራምጅ እንዴ ሻረከው ምህናት ንጃረት ወሕዳደት ደርሰው።

ወኪል ማሕበር ወጠን



እጅትማዕየት

ክል አርቡዕ ለትጠ'በዕ ጀሪደት

መዳልያይ፡

መሐመድ እድሪስ መሐመድ

ናይብ መዳልያይ፡

አድም ሳልሕ (አቡሐሪሽ)

ለይ-አውት፡

ፋጥና አደም

ዘህረ ዐሊ

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454

አትአመሮት፡

ተለፎን፡ 125013፡ ዕ.ሰ.ቡ፡ 1284

ልትዐለሞ

ሽባባት ወደረሰ ኤረትሮፖ አቅሊም ዐንሰበ ዲብ አሰምዐየ ከሊመት፡ ክፋል ናይለ እግል ወቀሎት መቅደረት ሽባባት ትገብእ ለህሌት ክሰኣት ረአሰማል ከም ቱ አፍሀመ።

መስኡል መአሰሰት ፍገራት ሐጺን ወዕጪይ ከረን አሰይድ ዳንኤል ዑቅባሰላሴ እብ ጀሁቱ፡ ለደርሰው ካሰባሙ ለህለው ምህናት እብ ሽቅል እግል ልጠዉሩ፡ መቀደራቶም ወመናበረቶም እግል ለአሰኑ ከም ልትሰኣው ሽርሐ።

ለደርሰው እብ ጀሁቶም፡ ዲብ ወክድ ተእሂል ለገብኣት እግሎም ሰዳይት፡ ዲብ ሽቅል ከም ትፈረረው እግል ኢትትፈንተዮም ተሐሰበው።

ፍድኢት፡ ዓፍየት አጀነት ተአደምን

እት አቅሊም ቅብለት በሐር ቀየሕ፡ ዲብ ሐልፈየ ሰኖታት ፍድኢት አጀነት እብ ገበይ ሰኔት ሰበት ሰርገለት፡ እብ ነቃስ ፍድኢት መጽእ ለዐለ ሞት ወምስክነ ከም ኢትርኡ፡ ዲብ ፈሬዕ ውዛረት ዓፍየት መስኡል ውሕደት ዓፍየት ዓይላት ወማዐየ አሰይድ ዘድንግል ጎርጎርዮስ ሐበረ።

እበ ገብአ አትፋዝያት፡ ፈሀም ሸዐብ ዲብ በራምጅ ፍድኢት ሰበት ዐበ ወሰብ ምህነት ዓፍየት አሰክለ ሬመ ወኢውጡይ ድዋራት ዲብ ገይሶ ለወደው ወራታት፡ ወቀይ ፍድኢት እግል ልትዐወት ከም ቀድረ፡ አሰይድ ዘድንግል እብ ተውሳክ ሽርሐ።

እተ አቅሊም ቅደሰል ዲብ መአሰሳት ዓፍየት ለልትፈረጀ ዐመሲ 40% ከም ዐለየ፡ እትሊ ወክድ እሊ ላኪን ዲብ 54% ከም ወሰክ እንዴ ሐበረ፡ ዲብ ወክድ ዕምስነ ወወሊድ ትሳድፍ ለጸንሐት ሞት ዲብ ትነቅስ ትመጽእ ከም ህሌት አፍሀመ።

እት ምዴርየት ነቅፈ፡ ቅደስ ዲብ መአሰሳት ዓፍየት ለልትፈረጀ ዐመሲ እብ ዝያድ ዕጹፍ እንዴ ወሰክ፡ 89 ምእታይት ከም በጽሐ ከም መሰል እንዴ ዘክረ አሰይድ ዘድንግል፡ እለ ፍገራት እለ ዲብ ምዴርየት እት ትደቀብ መጽእ ለህለ ማዕየ ለለአሻርክ ወራታት ክምቱ እንዴ ሽርሐ፡ እት ነቅፈ ሰጅልት ለህሌት ዐውቱ ከም ተጅርበት ዲብ ምዴርያት አፍዐበት፡ ሽዕብ ወግንዳዕ ከም ልተሸቂ እበ አፍሀመ።

እት ፈሬዕ ውዛረት ዓፍየት አቅሊም ቅብለት በሐር ቀየሕ መስኡል ውሕደት ዓፍየት ዓይላት ወማዐየ አሰይድ ዘድንግል ጎርጎርዮስ እት ደንጎቡ፡ ዲብ ሐልፈየ ሰኖታት እት አሰረቶት ህዳይ ሰነት አዳም ለኢበጽሐየ ወዐዋዲ ዴረት ለገብኣ ወራታት ለለአደሚዕ ከም ዐለ እንዴ ሐበረ፡ እሊ መሻክል ዓፍየት እሊ ሐን መራቀበት እግል ልእቱ እብ ሰታት ልትከደም ከም ህለ ሽርሐ።

ምዴርየት አሰማዋ እተይ ጀራዲን ተዓቤ

እት ምዴርየት አሰማዋ፡ ዲብ ዐማር ጀራዲን ለሸቂ ሐረሰቶት፡ ጠለብ ድዋሮም እግል ለአትምዋ ወዐዳጋታት ድዋራት ብዕድ እቱ ለገይሰ እተይ እግል ለአፍሩ ከድሞ ከም ህለው ሽርሐው።

ለሰብል ጀራዲን እግል ኤሪን ዲብ ሀበወ ሐብረ፡ ለሰርገሉ ወራታት ክል ሰነት እብ ውሒዝ ዘረ መደረት ትጀሬ እቱ ሰበት ህሌት፡ እብ ማሸነሪ ለትተለ ሐጅዝ እግል ልግባእ እቱ ጠልበው።

ምን ደዋይሕ ሀውሽ አሰክ እምበልዳይ ለህለ ጀራዲን ዲብ ከረም 2015/2016 እብ ውሒዝ ደረር ከም ጀረ እቱ እንዴ

ሐበረው ለሐረሰቶት፡ ለብቀት ዮም ዓመትመ እግል ኢትደገም ዲብ ሰርገሉ ለህለው ወራት፡ እዳረት አቅሊም ዐንሰበ ወፈሬዕ ውዛረት ሐርስ መትሐሳር እግል ለሆቡ ትላከው።

እት እዳራት ደዋይሕ አሰነድ፡ ሀወሽ ወእምበልዳይ፡ 13 ሄክታር ሐምሌ ወዐለፍ ንዋይ ለለዐምሮ እብ ሽክል ማሕበር ለትከምከመው 50 ሐረስታይ ወዲብ ማሕበር ለኢትከምከመው 27 ሄክታር ለለዐምሮ ብዕዳም 20 ሐረስታይ ከም ህለው፡ ወሳይቅ መክተብ ውዛረት ሐርስ ምዴርየት አሰማዋ ለሐብር።*

ጋሽ በርኩ፡ ኤታን እብ ፍዕል ለተለ ተዕሊም ልትጠወር

እት ክሉ መዳርስ አቅሊም ጋሽ-በርኩ፡ እብ ፍዕል ለተለ ተዕሊም እቱ ለረከዘ ብሰር ዕሉም ተድሪስ እብ ዋሰዕ እግል ልእቱ ልትሸቂ እሉ ክምስል ህሉ፡ እት ዮም 2 ማዮ እት መዲነት ባርንቶ እተ ገእ እጅትማዕ እቱ ትሸረሐ።

ለገብእ ህለ ጅህድ፡ እት ክል ናይ ምግባይ ወገይ ደረጀት መዳርስ ናይለ አቅሊም ለልትሐረክ መዕመል ወእብ ሺድዮ ለልትቀደም እብ ፍዕል ለተለ ተድሪስ እግል አተዮት ለአመመ ክምቱ መኤምረት እተ ቀደመዉ ሽርሕ ወደሐው።

እብ ፍንቱይ እግል ጅንሰ ተዕሊም ከሚሰትራ፡ ባዮሉጂ፡ ፊዚክስ ወዓም ዕሉም እብ ፍዕል ለተለ ወራታት እብ ለቀለት ገበይ እት ደረሰ እግል

ዐደዮት ለለአተቅድር አግቡይ እንዴ ትዳለ እት ደረጀት ወዘየት ባጽሕ ክምስል ህላመ ተሐበረ።

መስኡል ፈሬዕ ወዛረት ተዕሊም አቅሊም ጋሽ-በርኩ ኡሰታዝ መሐመድዐሊ ኢብራሂም እተ አሰመዐየ ከሊመት፡ እብ ፍዕል ለተለ ተዕሊም እት አከደት በቃዕት ተዕሊም ጃንብ ፈዳብ ሰበት ቡ፡ እብ ፍንቱይ ምስል መዳርስ ካልኣይት ደረጀት ወሙደርሲን እብ አትመቃረሐት ለለአትናይት ካድም እግል ልሰርግሎ ከም ቀድሮ እት ለሐብር፡ ሙደርሲን ለአርወ በቃዕት ወመትሐሳር ሐመደ።

መዋ-መጦር እሊ፡ በቃዕት ተዕሊም እግል አደቀቦት፡ ርቱብ ወራታት መራቀበት፡ ተእሂል አደቀቦት በቃዕት፡

ርቱብ ጌማም ተዕሊም ወብዕድ ወራታት ክም ትሰርገላመ ወደሐ።

መሽተርከት እተ ሀበዉ ረኣይ፡ እንቡት ለህለ ካድም ፍገራቱ እብ ፍዕል ትትርኤ ሰበት ህሌት፡ ደማን እተ አለቡ መብን ወእምበል ዘረበት ለአደረሰ ለህለየ መዳርስ እብ መሻረከት መዕየ መጋድዐን እግል ልትወጀድ እለን ትፋነው።

እት ካቲመ፡ ወዘር ተዕሊም አሰይድ ሰመሬ ርእሶም፡ እብ ፍዕል ለተለ ተዕሊም እግል አደቀቦት ለትነሰኣት መባደረት እት ለሐምድ፡ እሊ እብ መቅደረት ድህር እንቡት ለህለ ወራታት እግል ዓበዮት ወእት ክለ ዐድ እግል ወሰዶቱ እብ መትሐሳር እግል ልትሸቂ እሉ ክምቱ አከደ።



1.2 ቃል መርመረ

ፖሊስ ቅብላትለ ሸክ ለጉብኣት እቱ እሰባታት ምን ለእክብ እቡ ወራታት መርመረ፡ ምሮ ዊደት ቃል መርመረ ናይለ ሸክ ለጉብኣት እቱ ወሸዋሂድ ቱ። ሻሁድ ለልትባህል እግል ምሮ ሐደስ እብ ምሮ አው ዝያዳሁ ምን ሰመፅ ገርቡ እብ ርእየት፡ እብ ሰ'መፅ፡ እብ ጼኑ እብ ተማታም ... ወለመስሉ እብ ሰበትለ ሐደስ ሐብሬ ለቡ አዳም ባህለት ቱ። እሊ ነፈር እሊ ዲብ ቀደም ቤት ፍርድ እንዴ ቀርቡ እብ ሰበትለ ሐደስ ለህሌት እሉ ሐብሬ እግል ለሀብ ሰበት ልትሐዘ፡ አሰልፍ እብ ገበይ ፖሊስ ህግያሁ እግል ትነሰእ ላዝም ገብእ። እብ አሳስ ሰርዐት ቃኑን ጀሪመት ኤረትርየ፡ ፖሊስ እብ ሰበትለ ሐደስ ጀሪመት ሐብሬ ህሌት እሉ እግል ልብሉ ለጉብኣ ነፈር እንዴ ትቀሰመ እት መሐጠት ፖሊስ እንዴ ቀርቦ ቆል ሻህደቱ ክም ለሀይብ እግል ሊዴ ቀድር። ለጉብኣ ቆል ሻህደቱ እግል ለሀብ ቅሳመት ፖሊስ ለበጽሐቱ ነፈር ህዬ፡ እብ አሳስለ ቅሳመት እግል ልቅረብ ዋጅቡ ክምሰል ቱ። ሰርዐት ቃኑን ጀሪመት ኤረትርየ ቦይን። እምበል እሊ ለጉብኣ መዋዋን፡ ክርዐት ሐዋድስ ጀሪመት መሰለሐቱ ክምቱ እት ሕሳብ እንዴ አተ፡ እብ ሰበትለ ጀሬት አው ጀሬ ለህሌት አውመ እት ቅሩባት እግል ትጅሬ ለትቀድር ጀሪመት፡ ለለኦምረ ሐብሬ እግል ፖሊስ አው እግል ዴቅባይ ቃኑን እግል ለሀብቱ ዶል ልጠለብ ምኑ ዋጅቡ ክምሰልቱ እግል ለኦምር ወጅብ፡ እብ ክምሰል እሊ ንዛም ቆል ሻህደቱ እግል ለሀብ ዲብ ፖሊስ ለቀርቦ ነፈር፡ እብ ሰበትለ ሐደስለ ጀሪመት ለለሀይብ ሐብሬ ለእለ ለኦምር ሐቂቀት ሌጠ እግል ትግበእ ሰርዐት ቃኑን ጀሪመት ኤረትርየ ቦይን። ምኑ ወኪን ላኪን፡ እግል ፖሊስ ቆል ሐሰት ሂበት እብ ጀሪመት ክም ለአጃዘ፡ ሰርዐት ቃኑን ጀሪመት ኤረትርየ ብዩን ክምሰል ህለ እግል ንፍሀም ለትሐዘ። ቆል ሻህደቱ እግል ለሀብ እት ፖሊስ ለቀርቦ ነፈር፡ ምን ፖሊስ እግል ቀርብ ዲብ ሰኣላት፡ እግል ለሀብ ለቀድር ባለቤ፡ እግል ኖሱ እብ ጀሪመት እግል ለአሸዘዩ ለቀድር ክምቱ ዶል ልፍህም ባለስ እግል ኢለሀብ ሐቅ ክምሰል ቡ፡ ሰርዐት ቃኑን ጀሪመት ኤረትርየ ለትኦምር። እሊ ለጉብኣ እቡ ሰቡብ፡ ለጉብኣ አዳም እብ

ሰርዐት ቃኑን ጀሪመት ኤረትርየ

ሰበት ሐደስ ጀሪመት እብ ርእየት፡ እብ ሰምዐት፡ እብ ጼኑ አው እብ ተማታም ወለመስሉ እብ ሰበትለ ሐደስ ለለኦምረ ሐብሬ፡ እግል መተግብረት ቃኑን፡ አሰክ ድድ ነፍሱ ለትውፅል ሸሃደት እግል ሂበት ለትቀሰብ መስኡልየት እግል ልርፈፅ ምን ኢተሐራ ቱ።

ቆል ሂበት ሻህደት ለልትክበት ነፈር ፖሊሱ፡ እብ ሻሁድ ለትትህየቡ ለጉብኣት ሐብሬ ዲብ ክቱብ እግል ሊደዩ፡ ዕለት እግል ሊዴ እተ፡ እግል ሸሃደት እንዴ ቀርአየ ፈርመቱ ክምሰል ከሬ እተ እግል ሊዴ፡ ሰርዐት ቃኑን ጀሪመት ኤረትርየ መስኡልየት ለአረፍዐ። ቆል ሸሃደት ዲብ ሰምዐት ለጉብኣ ዕዱ ፖሊስ አው ለጉብኣ ሰልጠት ለተህየቡቱ ነፈር፡ አትፋረህ፡ ተእሲር፡ ገለድ አው ለጉብኣ ብዕድ ለኢለአስትህል አግቡይ እግል ለአቅርብ እግል ልትነፈፅ አውመ ክም ቀርብ እግል ሊዴ ክም ኢወጅብ፡ሰርዐት ቃኑን ጀሪመት ኤረትርየ ለሐብር።

1.3 ተፍቲሽ ወጪዋ እሰባት

ተፍቲሽ ምሮ ምን አግቡይ አክቦት እሰባት ዲብ ወራት መርመረ ገብእ ዲብ ህሉ፡ እብ አሳስ ሰርዐት ቃኑን ጀሪመት ኤረትርየ እብ ክልኤ ገበይ ገብእ። ምን አሳሱ ተፍቲሽ አክል ሕድ ክም ቀደድ እምበል እጃዘት ቤት ፍርድ እግል ልግበእ ቃኑን ኢሰሚሕ። ሰበቡ ህዬ ተፍቲሽ እግል አሳሲ ሐቅ ወድ አዳም ላቱ ገርቡ አው ቤቱ፡ እብ ብዕድ ነፈር እግል ኢልትክይድ ለለዐቅብ፡ “ሐቅ ብሕቶት” ለከይድ ሰበት ገብኣ። ለጉብኣ ነፈር ዲብ ገርቡ ልግበእ ወዲብለ ነብር እተ ቤቱ፡ ወብዕድ ለመልኩ ሓጃት እምበል እጃዘቱ ኢተት፡ ተማታም ልግበእ ወፈተሾት፡ ሸረፉ ሀየኖት ሰበት ገብኣ፡ ቃኑን ዓቅቢት ወዴ እሉ። ምኖተ፡ ድድ ሸክ ለጉብኣ ዲብ ምጅርም ለልውፅል እሰባት፡ አክቦት እግል ሰላም ወመስኩበት መጅተመፅ ለዐቤት አሀምየት ለቡ፡ እጅባሪ ዐቂብ ሰበት ገብኣ፡ ቃኑን እንዴ ተሌከ ተፍቲሽ ዊደት ክቡት ቱ። ምኑ እንዴ ሐልፈ፡ አክል ሕድ ክመ ዲብ ቀይድ፡ እምበል ናይ ቤት ፍርድ እጃዘት ፈተሾት፡ ተፍቲሽ ለልሰመሕ ዲብ ቴለል ሰርዐት ቃኑን ጀሪመት ኤረትርየ ዝርዘር ህለ። እብ ተፍቲሽ ለልትረኩብ

እሰባት አው ጀሪመት እግል ትግበእ ክም መሻቀዩ ለወዐለ አው ጀሪመት እንዴ ገብኣት ለትረኩብ እግል ልግበእ ቀድር። እሊ እሰባት እሊ ህዬ ሐቅ ጀሪመት ጀሬት አው ቀደመ፡ ዲብ ገርብ ሸክ ለጉብኣት ዲብ፡ አውመ ዲብ አካን ብዕደት እንዴ ተሐበዐ እግል ልትረኩብ ቀድር። እሊ እሰባት እሊ እግል ልጸበዋ ወእብ ኤግዚቢት ዲብ ቤት ፍርድ ክም ቀርብ እግል ልግበእ፡ ፖሊስ ለልተለዩ አግቡይ ሰርዐት ቃኑን ጀሪመት ኤረትርየ ብዩኑ ህለ።

ሰርዐት ቃኑን ጀሪመት ኤረትርየ አክል ሕድ ክምሰል ሸክ ለጉብኣት ዲብ ዲብ ቀይድ እግል ልውዐል እጃዘት መቀየዲ ወረቀት ተትሐዝዩ ወለ ኢተትሐዝዩ እንዴ ቤለ ካፍሉ። ምሮ አሀምየት ዐባይ ለቡ ዋቂፅ ደሊል ሳብት ናይ ሓጃት ዲብ ህሌት እተ አካን፡ እግል ፈተሾት ወእግል ጸቢዋ፡ እጃዘት ለአትሐዝዩ ወለ ኢለትሐዝዩ እንዴ ቤለ ኩፋሉ ህለ። ምሮ መርማራይ ፖሊስ እግል ቅዩድ ሸክ ጋብኣት እቱ ለህሌት ሐደስ ጀሪመት ክም ደሊል እንዴ ገብኣ እግል ልክደም ለቀድር ሸይ ዲብ ገርቡ ህለ ለልብል ክቡት ሸክ ዶል ለህሌ እሉ፡ ዲብ ቅዩድ እብ እግሉ ለመሰል ጅንሰ ተፍቲሽ እግል ልግበእ ቃኑን ሰሚሕ። እተ ክምሰልሁመ ለጉብኣ ፖሊስ እምበል ወረቀት እጃዘት ተፍቲሽ ለጉብኣ መብእ ወድዋሩ እግል ልፈትሽ ቃኑን ኢሰሚሕ እሉ። ዲብ እሎም ለተሉ ቴለል ላኪን፡ ወረቀት እጃዘት ተፍቲሽ እንዴ ኢለትሐዘ፡ ተፍቲሽ እግል ልግበእ ሰሚሕ።

1. ሸክ ለጉብኣት ዲብ ሐቅ ሐደስ ጀሪመት እብ ሕፉን እንዴ ሀርቡ ዲብ ምሮ መብእ አው ድዋሩ ምን ለአቱ፡
2. ሸክ ለጉብኣት እቱ ሐቅለ ሐደስ ጀሪመት ምስለ ሐደስ ጀሪመት ተእሲር ለሀለ ዲብ ሸይ ዋቂፅ ዲብ ምሮ መብእ አው ድዋሩ ምን ለክፍ።
3. ፖሊስ ሸክወት ለትቀደመት ዲብ፡ ዝያድ ሰለሰ ሰነት እብ ሰጅን እግል ለአጃዘ ለቀድር ሐደስ ጀሪመት እሰባት እንዴ ገብኣ እግል ልክደም ለቀድር ሸይ ዋቂፅ ዲብ ምሮ መብእ አው ድዋሩ ሕቦፅ አው ክሩይ ህለ ለልብል ሸክ እግል ለህሌ ክብትት ለወድየ ሐብሬ ዶል ትትረኩብ ወረቀት እጃዘት ተፍቲሽ እግል ልርኩብ ዲብለ ህለ

መትኣካር ለደሊል እግል ልትረፈፅ አው እግል ልትነወክቱ ለትብል እምነት እግል ተህሌ አርድየት ባቅዐት ዶል ትትረኩብ።

በረ ምን እሊ ለትዘከረ ቴለል ላኪን ተፍቲሽ እግል ልግበእ ሰርዐት ቃኑን ጀሪመት ኤረትርየ ለጠልቡ ንዛም ለተኣተምም ወረቀት እጃዘት ተፍቲሽ ተትሐዘ። ወረቀት እጃዘት ተፍቲሽ እብ ለጉብኣት ቤት ፍርድ እግል ትትህየብ ክምሰል ትቀድር፤ ሰርዐት ቃኑን ጀሪመት ኤረትርየ ቦይን። ቤት ፍርድ ላኪን ወረቀት እጃዘት ተፍቲሽ እንዴ ሀበት፡ በራምጅ ፍቴሕ አው ህዬ አሳስ ሰርዐት ቃኑን ጀሪመት ኤረትርየ ለገበኣ መርመራታት ጀሪመት፡ ወራት ፍርድ ወብዕድ ምስሉ ለልትጸበዋ ወራታት፡ እግል ልግበእቱ እብ ልብል እምነት አሰክ ዶልካዐት ወረቀት እጃዘት ተፍቲሽ ክም ኢተህይብ ሰርዐት ቃኑን ጀሪመት ኤረትርየ ለትኦምር። ለጉብኣት ወረቀት እጃዘት ተፍቲሽ፡ እግል እብ ተፍቲሽ እግል ልትረኩብ ወልትሐዘ ልህለ መምተልካት ወለልትፈተሽ አማንክ፡ እግል ትዝከረ ወጅብ። ለጉብኣ እግል እለ ወረቀት እጃዘት ተፍቲሽ እንዴ ጸብጠ ለፈትሽ ነፈር ፖሊስ ህዬ፡ ምንለ ዲብለ መፈተሽ ለትከተብት አካን በረ እግል ልፈትሽ ወምንለ እተ መተፈሺ አካን ለህለ ብዕድ ሓጃት እግል ልጸበዋ አው እት ሐንቱ መራቀብቱ እግል ለኣቱ ሰርዐት ቃኑን ጀሪመት ኤረትርየ ኢሰሚሕ እሉ። እብ አሳስ ወረቀት እጃዘት ተፍቲሽ መምተልካት ለጸብዋ ነፈር ፖሊስ ተፋሲል ናይለ ጸብጠዩ መምተልካት እግል ልጸበዋ ቀድራመ ምንገብእ፡ ለጉብኣ ሕር ነፈር እንዴ አትመጣወረ ክምሰል ልርእዩ ወፈርመቱ ክም ከሬ ዲብ እግል ሊዴ ወጅብ። እብ ክእኑ ንዛም ለትጸበጠ መምተልካት አሰክ ክም ኤግዚቢት እንዴ ገብኣ ዲብለ ከሰሰ ቤት ፍርድ ልትዐዴ፡ ዲብ አካን አምነት እግል ልትጸበዋ ሰርዐት ቃኑን ጀሪመት ኤረትርየ ቦይን። ምኑመ እንዴ ሐልፈ፡ ክምሰል እሰባት ለኢከድም ዲብ እንቱ፡ ተፍቲሽ እብ ወደ ፖሊስ ለትጸበጠ/ ጽቡጥ ለጸንሐ መምተልካት ህለ ምንገብእ፡ ዲብለ ትነሰኣ ምኑ ነፈር እግል ልብለሱ ወፋቱረት እግል ሊዴ እሉ፡ ሰርዐት ቃኑን ጀሪመት ኤረትርየ ለአዝዘ። ተፍቲሽ ዲብ ዐመል እግል ልውዐል፡ ለተፍቲሽ ወዴ ነፈር ፖሊስ ለተኣትሐዘ

(ክብትት ላተ ሐለት) እግል ልትነፈፅ፡ እብ ፍንቱይ ህዬ ዲብለ መብእ አው ድራዋርም መእተዩ ዶል ኢረክብ፤ መእተዩ እግል ልርኩብ ክብትት ሐለት እግል ልትነፈፅ ቃኑን ሰሚሕ። ቤት ፍርድ እብ ዋዴሕ ብዕድ ዶልዘዘት ምንገብእ፡ ተፍቲሽ፡ ፍንጌ ሳዐት ሰስ አሰቡሕ ወሳዐት ሰስ ምሴ ዲብለ ህለ ስዖታት እግል ልግበእ ሰርዐት ቃኑን ጀሪመት ኤረትርየ ቦይን።

1.4 መርመረ ሕክምነ ገርብ፡

ብዕድ ምስል ተፍቲሽ ለልጸበዋ መርመረ ሕክምነ ገርብ ለከሰሰ ቱ። መርማራይ ፖሊስ እግል ምሮ አረይ ናይ ሐቱ ሓድሰት ጀሪመት ለጉብኣ ነፈር፡ ምስለ ጀሬት ዲብ ጀሪመት ለልትጸበዋ መርመረ ሕክምነ ገርብ እግል ልግበእ ዲብ ለለኣትሐዘ እት እንቱ ዶል ረክቡ፡ እብ እጃዘት ናይለ አረይ አው ርዕያዩ፡ ምስለ ጀሬት ጀሪመት ለልጸበዋ መርመረ ሕክምነ ገርብ እግል ልግበእ እሉ፡ እግል ምሮ ሰጃል ናይ ሕክምነ በዐል ምህነት እግል ለአዝዘ፡ ቃኑን ሰልጠት ሃይቡቱ። ሕድ እብለሸብህ፡ መርማራይ ፖሊስ እግል ጀሬት ጀሪመት ዲብ ሕሳብ እንዴ አተ፡ ሸክ ለጉብኣት እቱ፡ መርመረ ሕክምነ ገርብ እግል ሊዴ፡ ምህም ዲብ እንቱ ዶል ረክቡ፡ ምስለ ጀሬት ጀሪመት ለልትጸበዋ መርመረ ሕክምነ ገርብ እግል ልግበእ እግሉ፡ ናይ ሕክምነ በዐል መቅደረት እግል ለአዝዘ ቀድር። ምኑ እንዴ ሐልፈ፡ ፍገሪት ናይለ ገብኣ መርመረ ሕክምነ ገርብ ሐሬ ዲብለ ከሰሰ ቤት ፍርድ ክም እሰባት እግል ልቅረብ ሰበት ቀድር፡ እብ ክቱብ እግል ልሰነድ ለአዝዘ። እሊ ልትባህል እት ህለ ላኪን፡ መርማራይ ፖሊስ እግል ሸክ ለጉብኣት ዲብ ሕክምነ መርመረ ገርብ እግል ሊዴ እግል ልቀሰቡ ቀድር ባህለት ኢኮን ሚ ደኣም፡ ሕክምነ መርመረ ገርብ እግል ሊዴ እብ ፖሊስ ለተኣዘዘ ሸክ ለጉብኣት እቱ። ለመርመረ ዲብ አርወሐቱ ለጉብኣ ፈርሀት ዓፍየት ለኢከልቅ እቱ ዲብ እንቱ፡ እግል እሊ መርመረ እግል ሊዴ ቀልብ ዶል ኢለህሌ እሉ፡ ቤት ፍርድ እግል እብ መርመረ ሕክምነ ገርብ ለልትረኩብ እሰባት እግል ልትኣከድ ለተሐዘ ደሊል ክምሰል ተኣከደ እግል ልንሰኣ ቃኑን ቦይን።

ገማል፡ መታሊት ዐማር ወገሉን ድቀር

እት ሳቤዕ ሙእተመር ኮንፈደራልየት ሸቃሊ ኤረትርዮ፡ ዲብ ሸሪከት ተዕዲን ቢሸ እግላ ሀለው ሸቃሊ እንዴ ወክሊ ማጽእ ዲብ እንቱ ዲብ አሰመረ ፓላሰ ረከብናሁ ወመደቲት እንዴ በጠርነ እግል ንህደግ ምስሉ ለረከብናህ ፍርሰት፡ እትላ ሸሪከት ሚ ክምተ ምህመቱ አትሃጀኬን። አሰመረ ሰልፋ ኢኮን ቀደም አዜመ ማጽአቱ ሳኪን ዲብ ክምእነ መሰል ሙእተመር ሓድር ኢኮን፡ ከሕዱሩ ዲብ እሊ ሙእተመር ተጅርበት ዐባይተ እት ልብል ደግመ እነ።

እተ ሙእተመር ልትሀደግ እቡ ለዐለ ሀገጊት ምን እንግሊዚ ዲብ ትግርኛ ሰበት ገብአ ለሂገ እንዴ ሰምዐ እግል ልትሰአል ወልብለሰ ለሐይሎ ምንመ ዐሉ፡ ሐቀላ እጅትመዕ ምስል ጸርታቱ እንዴ አመሕበረ ተሐይሰ ተሐምቅ ልብል ወረአዩ ለሀይብ ለዐለ እናሰ ካፍል ወዲብ ሸቅልመ ገዲምቱ። መሐመድ ሳሌሕ ሓጅ(ድርሆይ) ልትበሀል፡ ዲብ ሸሪከት ተዕዲን ቢሸ 15 ሰነት ከድመ ወእስክ እላመ ናይ ሸቅል ንዩቱ ውቅል ሀሌት። ሕዱሩ እተ ሙእተመር አክልሚ መዕነውዮቱ ራፊዕ ክም ሀለ እግል ልሸረሕ ሀይ “ለእብር ምንለሐድገኒ ንዩቹ ብዙሕ ውቅልተ” ልብል እት ልትሰሐቅ። እበ ሰልፍ እትላ ሸሪከት ክም ዋርድየት እንዴ ገብአ አተ ወሐር ርዕያይ ጀራዲን ገብአ። ለእቱ ትበገሰ ሸቲል ዕጩይ ለይሙን ወአራንሽ ዮም ድበዕ ገብአ፡ ለአትሳትዩ እንዴ ዐለ ሸቅሉ ክም አትመመ እት ከብዱ ዲብላ ሀሌት ዐራቱ ራሐቱ ነሰእ፡ አትሐዘዩመ ምንገብእ እት ከብድለ ድበዕ ዕጩይ ፈዋኪህ ሰክብ።

“ዕጩይ አርወሐት ቱ ወንዕመት ቱ፡ ምን ዕጩይ ለኢትትረከብ ሰንዐት ሀሌት እግል ልትበሀል ኢልትቀደር፡ ዝላም እንዴ ትካሬት ምድር ክም ጠልል ወዴ፡ አርድ እቡ ልትረሸድ፡ ንዋይ ምኑ ልትደረር ... ምንክትረትለ ኡዳም ረቅቡ ለሸቅልዬ፡ ጀማይዕዬ፡ መሐመድ ሳሌሕ ዲብ ጀነት እዲነ ነብር ሀለ ልብሉኒ” ደግሞ፡ ገናዐቱ እበ ሸቅሉ እግል ለአክድ።

አሰይድ መሐመድ ሳሌሕ



ምነ ራዐዮት ጀራዲን እንዴ ሐልፈ ወራት ብዕደት ወሰከ። እትላ መደት አዜ ሀይ እት ሸቲል ወመራቀቡት ደሐን ዕጩይ ሸቄ ሀሌ። ለሸሪከት እግል ተዕዲን እንዴ ትበሀለ ለትባተከ ዕጩይ ዲብ ገማል በዲሩ እግል ለአቅብል ብዙሕ ክም ትጀሀድ አሰይድ መሐመድ ሳሌሕ እንዴ ሸርሐ፡ “እሊ ዕጩይ ለእበ ግሬደራት በደ፡ ዕጩትከ እብ አርበዕ ዕጩት ትትፈዴ” እት ልብል ደሀብ ዲብ ልትሐፈር እግል ብገዩት ተሕትየት ትዋፈሕ ለበደ ዕጩይ እንዴ ሰኒ ትፈረገ ደለ በዴት ዕጩት እት አካነ አርበዕ ዕጩት ክም ልትሸተለ ገብእ ክም ሀለ ለአክድ። አሰይድ መሐመድ ሳሌሕ (ድርሆይ) ክምለ ለሐብረ፡ ለልትሸተል ዕጩይ ምን ካልእ አካን ለመጽእ አንዋዕ እንዴ ኢገብእ ዕጩይ ናይለ አርድቱ። ሐድ 12 ጅንሰ ምንለትፈናተ ዕጩይ ክም ልትሸተል ሀይ ለአፍህም።

ገሌ ምነ እሉ ሳመ ዕጩይ፡ ዐቅቤ ተወይ፡ ገምሮት፡ ሐሻብ፡ ክትር፡ ሐንተ፡ ክልምት፡ ሰርብ፡ አውሒ ወእስክ ውላድ ተመር ከምክም። ገበይለ ሸቲል ክምእናተ፡ ሐጋይ እንዴ ልቲረብ ለሐጌ ዶለ ከረም እት አካነ ዳይመት ልትገል። በሀለት እተ አርድ ለእግሉ እንዴ ትበሀለ ልሕፋር ዲቡ ልትሸተል። ሐቆ ትሸተላመ እተ ከብዱ ዲብ ደውሮ ድራሳት ወዱ። “እሰወ ነጅሐት ወእሰወ ሀልከት እንዴ

ናጂሐቱ። ዮም ዕጩይ እንዴ ዐበ ሰነት ሐ ለተአጸልል እቱ ገብአ። እብ ፍንቱይ ለአውሒ ዕጩይ ዐባይ እንዴ ገብአ ረእዮቱ ትብሰጥ። ለምድር በዲር ዕጩይ ግልቡቡ ነብር ዐለ። ደሀብ ክም ትረከበ እቱ ሳኪን እግል ተዕዲን እግል ልትሓፈር ወዕጩይ እግል



ልትናቀል ደሩሪ ገብአ። እብለ መሓፍሩ ወዕሩቁ እግል ልትረፍ ገአ ምንገብእ ሳኪን ሸንርብ ዲመ ኢተሐይ ዲብ ሰላመት ድቀር እግል ልሕደግ ሰበትቱ። ሀይ ለሸሪከት ለዕጩይ ለእበ ተዕዲን ተሓፈረ ወክርበ እተ አካነ እግል ለአቅብል ሀሌት እሉ ለልብል በርናመጅ ምንጸብጠት ገብእ ክም ሀለ ለአፍህም።

አሰይድ መሐመድ ሳሌሕ/ ድርሆይ እብ ከፎ ክም አተ ዲቡ እሊ ሸቅል ሸቲል ዕጩይ ዲብ ለአበርህ “አነ ለዕጩይ በዲርዬ ዲብ እገምዩ ጸንሐት ወአዜመ ለጎማቱ አይ ሓልፈት ኢኮን” እት ልብል፡ ዲብ ገማል ዕጩይ ለሀለ እሉ ሕሰር ምን ኩሉ ቀልቡ እግል ለአርኤ ወዋን። ለዲበ ለዓርፍ እብ ዕጩይ ለይሙን ውበዕድ ፈርዶት ለጋምለት አካነ እት ልትበገሰ ዲብ ለገብአት ለለትሐዜ ዲበ አካን ሸቅል ልትሐረክ። እሊ ዕጩይ ሌሙን እግል ናሱ ምንክትረት



ለአርድ ትከበተዩ ምን ዕጩት አሰክ ክልኤ ኩንታል ልትአሬ ክምዐለ፡ ለይሙን ከረኒ ለልትበሀል ሀይ አሰክ ሰለሰ ኩንታል ክም በጼሕ እንዴ ፈቅደ፡ “አዜ ዲብ እለ መደት እለ ለሸሪከት ሸቃላህ ሰበት በዝሐው፡ ምስሉመ ለማይ ግድዕ ሰበት ልብል፡ እብ ቅያሰ እግል ነአትሳቱ ንትቀሰብ ሀሌን፡ ከእብሊ ለፈርዶቱ ክምለ እት ሰልፍ ኢሀለ” ቤለ፡ እንዴ አትላ ክምለ ናይ ሰልፋመ ምን ኢሊሀሌ ምን ጀሀት ገማል ላቱ ልብ ለሸፊ ወዕንታት ለሳሬ አክደር ጋብእ

ወአብያተን እት በንዩ ምን ረአ እግላ እለ ረክበዩ ሕርየት እቅትሳድ ወሕርየት ቀራር ሰኒ ፋሬሐቱ።

ብዕደት ሰኒ ለትበሰጦ ሀይ፡ እለ ሸሪከት ተዕዲን እግል ሰላመት ነፍሰ ለተሀይብ አሀምየት ዐባይተ። እት ሸቅል ቀደም መትፈራር ለሸቃሊ ምዕልከ መሓደረት እብ ሰበት ሰላመት ነፍሰ ልትሀየቦ። “እለ ነፍሰነ ሾከትመ እግል ኢትርገዝ እግል ንራዕዩ ምን ደርሰ እጽጉባምናቶም። እለ ሕነ እንረክበ ሀሌነ ተዕሊመት ወሕጌ ነፍሰ እት ኩሉ ለሸሪከት ዐድነ ልግበእ እፈቱ አነ ላቱ” ሀይ ልብል። እሊ ሚ በሀለት ክምቱ እት ፈሰረ ሀይ ዲመ ዲብ ሸቅል ዶል ትፈረር እት እደይከ ጋንቲ፡ እት ዕንታትከ ዝራት፡ እት ደምቀትከ ሀልመት/ ጸሐል፡ እት እገርከ ጀዝመት ናይ ሸቅል፡ ልባሰከ ታምም ዩጌፎርም እግል ልግበእ ሀለ እሉ። እሊ እግል ሰላመትነቱ። ሐበት ምን እሊ አንቀሰክ ምንገብእ ሳኪን እንተ ምን ኖሰከ አንቀሰክ እተ ሸሪከት አካን አለብከ” እንዴ ልብል ለእግላ ሰላመትከ ልትሀየበከ መምሬሕ ሸቅል ወአዋምር ኢተሐከምከ እቡ ምንገብእ እተ ሸሪከት እግል ትዋሰል ክም ኢትቀድር ለሐብር። እሊ ሀይ እብ ንዛም ወአደብ እግል ቲጊሰ ርሕከ እግል ትረቤ ለወዴከ አግቡይ ሰበት ገብአ እግል ደሐን ነፍሰ ለተሀይቡ ሕሰር ክም ወቅሎ ለአክድ።

አሮ መሸሩዕ ተዕዲን ግራሁ አልፍ አጅናሰ ሸቅል ልሰሕብቱ ለልብሎ መኤምረት አቅትሳድ። እሊ ሀይ እት ዐማር ወጠን ለወድየ ግዴት ቀላል ኢኮን። ምናተ ዐማር እግል ድቀር እብ እኪት እግል ለአሰር እቱ ቀድር፡ እብ ፍንቱይ ሀይ ተዕዲን እግል ዕጩይ ውብዝሒ መክሉቃት እት መሰከቡ መጽኦ ሰበት ሀለ እግል ልእዘዮ በክት ፋይሕ ሀለ። እለ እግል ኢትግበእ ገበይ ዕላጅ እግል ትትባሰር ለትሐዜ። አፍይሐት ወራታት ገማል ሀይ አሮ ምነ ዕላጅቱ። እግል ድቀር ውብዝሒ መክሉቅ ሕጌ አው ገለብ ለገብእ እሉ ወቀይ።





ሐርብ ምን ዕልም ወለዐል ብሰር ቱ


ዲብ ክታብ ካቲሙ ጀነራል ፊሊጶስ ወልደዮሃንስ እብ ሰበት አብሳር ወፈን ሐርብ ለከሰሰ “ሐርብ ምን ዕልም ወለዐል ብሰር ቱ” እብ ልብል አርእሰ ለከትብዩ መውዳዕ እግል ንትናወል ቱ። ከእግል ዮም ሓምሳይ ክፋል ልተላሊ።

ዲብ ሳድስ ወራር፡ ዲብ ካልኣይ ገጽ ናይለ ወራር አባይ፡ እብ ጀህት ብሊቃት ለወደዩ ጀርቤታት ክምሰል ፈሸለ፡ እብ ላሊ እብ ጋድሞታት እንዴ ተሐረከ፡ እግል ደብር አርዔ መወቀል 1465 ጸብጠዩ። እብሊ ህዩ፡ ኣነ ለእቀውድ ምነ ኣካን ዲብ ዛግሬ መወቀል 1601 አሰሰኩ። ምን ድገለባይ ጠረፍ ናይለ ጀብህት እግል ቦጦሎኒ 4.2 ወአርበዕ ስርየት ናይ ብርጌድ 80 ውብዕድ ውሕዳት እንዴ ሐያዮብን ሐቆ ሐርብ መሪር ምነ ደብር እንደርግጉ። ክልኤ ሰለሰ አምዕል ክምሰል ዓረፍነ ምን ሐዲስ እብ ላሊ እንዴ ኣፊመ እብ ጋድሞታት እንትልፋፍ እንዴ ወደ እብ ግራት አሰክ ደብር ሐለሸቶ እግል ልትሐረክ አምቡተ። ሀደፋ መወቅል ንቅጠት 1001-1003 እንዴ ጸብጠ፡ ምኑ አሰክ ዐገት ወእብር እብ ምር እንክር፡ ዲብለ አሰልፍ ጸድፍ ምኑ ለዐለ ደብር አርዔ ወደብዐት ህዩ እብ ካልእ ጀህት እግል ልኡቴቱ አምም ለዐለ። ሐረከት አባይ እብ ዕን እንዴ ይእንርእዩ እብ ጠለፈ (ሞጅ እትሳል) ሬድዮቱ ለልትአመር። ሐረከት አባይ እብ ሬድዮ ታቤዕ ለዐለ ወዲ-መና ላሊ ልእከት ነድኦ እቲ። እብሊ ህዩ፡ እስቡሕ ወኪል እዕላም ዲብ ብርጌድ 44 መምህር ተስፋይ ቀለተ፡ መሰውር ሰለሙን አብረህ፡ ክልኡት አፕራተራት ግርማይ ገብረሚካኤል ወግርማይ ሀይሊ፡ ሳባ መሰፍን፡ ደባሳይ ገብረመድህን ወዳዊት አብረህ እንዴ ነስኦት አሰክ ድዋራት ሸግለት ወዐገት ትብገስኩ።

ውሕዳት፡ ምን ምግባይት ጀብህት ቅብለት ምፍጋር ጸሓይ ሳሕል ወምን ድዋራት ብሊቃት ሐቲ ቦጦሎኒ ናይ ብርጌድ 31 ወሐቲ ቦጦሎኒ ህዩ ምን ብርጌድ 23 እግል ለዐርዖኒ ተሐበረዩ። ሄራርነ እብ እግርቱ። ምን ዛግሬ አሰክ ዘፎ ወምኑ እብ ሰበርቀጤ እንዴ ወዲነ አሰክ ድዋራት ዐገት (ሸግለት)። ለውሕዳት አሰክ ለዐርዖኒ ምድር እንዴ ኢጸልምት ዲብለ ኣካን በጽሐኩ። ሸፋግነ ሐረከት አባይ እግል ራቀቦት ቱ ለዐለ። ዲብ ሰፈር እት ሕነ፡ ዲብ ዛግሬ መርከዝ ሬድዮ እትሳል ሓድጋም ሰበት ዐልነ፡ ሰበርቀጤ ክምሰል በጽሐነ ለመርከዝ፡ “ለኣላት ብጉሰ ህለ ምንገብእ እግል ፍላን ትሰኣል እግልነ” ብህላሙ ዐልነ። ሸውዮ ክምሰል ሄረርነ፡ ለመርከዝ እትሳል፡ “ሻፍገት ልእከት ህሊት እግልኩም ትከቡቱኒ” ልብለነ። አፕራቴራት ልእከት ናይ ወዲ-መናን እንዴ ትከቡተው ክምሰል ፈትሐው፡ “አባይ አሰክ ደብዐት ሕሩካም ክምሰል ህሊኩም አምር ህለ።

ጀነራል ሑሴን፡ ለአሰክ ሐለሸቶ ተሐረከ ቃእድ ጄሽ ‘ሐረከትኩም ክሸፍት ህሊት፡ አሰክ እለ ህዩ ፊሊጶስ አሰክ ደብዐት ሕሩክ ህለ’ ለትብል ልእከት ናድኦ እቲ ህለ። ሰበት እለ እንቱምመ ደገገ” ትብል ዐለት።

ጀብህት ሸዕብየት በገ፡ እብ ክእነ ላቲ ውብዕድ አብሳር ትልህዩ ዳመ ለሐልፈት ካፊ ተጃርብ ለክእለለ ተንዚም ሰበት ገብኦ፡ እግል ሸክ አባይ ወናይ ጋድሞታት ሰምህር ህጃምነ አማን እግል ለአምሰሉ ቀድረ። ለብሰር ቀሊል ቱ። ምነ እት ክፈል-ጄሽ 70 ለዐለው አፕራተራት ምስል ገሌ አንፋር እት ጋድም ሰምህር እንዴ ገአው እትሳል ክምሰል ለአሰሰ ገብኦ። ክምሰልሁ ክምሰል ገብኦ አባይ ለአፕራተራት ናይ ክፈል-ጄሽ 70 ክምቶም እግል ለአምሮም ወቅት ኢነሰኦ ምኑ። እብሊ ክፈል-ጄሽ 70 አሰክ ጋድሞታት ሰምህር ሐቆ ትከረው ለሸክ ዋዲ እቲ ዐለ ህጃም “100% ኣኪድ ቱ” ዲብለ ትብል ክላሳት በጽሐ። ጀብህት ሸዕብየት ህዩ፡ ለምናድሊን “እብ offside system ጎል ኣቲነ እትነ!” ዲብ ልብሎ ለልደኦሎ እብ ዐለው ዐመልየት አሰሰ እግል ለአብድር ቀረረ። እብ አሳሰለ ቀራር፡ ክልኤ አ’ገር በራጊድ ክልኤ ሰርየት አ’ገር ሰለሕ ክቡድ፡ መጅመ-ዐት ሰለለ ናይ ክፈል-ጄሽ 70 ውሕዳት መከናይዝድ ክፈል-ጄሽ 74 ምስል ሰልሐ ወሴፋሁ እብ 110 መኪነት እንዴ ተጸዐኑ ምን ሀበሮ-ጸዕደ እንዴ ትብገስ እብ ግርማይክ ከሰለ - ፋው - መደኒ- ሰናር ወደግዚን



ለልትባህል ዐባዩ ወነኣይሽ መዳይን ሱዳን እብ ላሊ ዲብ ሸግግ 1600 ኪሎሜተር እንዴ ሄረረ ሄለል ዩናይትድ 1990 ሳዐት 2፡00 ሐቆ አድህር ዲብ ኩርመክ ባካት ጊዞን በጽሐ። ምን መካይን ክምሰል ትከረ ለእት አቡግላብ ለልትብህል ውቁል መዐስከር ለለሃጅመ ክልኤ ቦጦሎኒ ናይ ብርጌድ 20 ማይ ወሻሂ እንዴ ኢሰትዩ ምነ ኣካንን እንዴ ትብገሰዩ 13 ሳዐት እብ እግር እንዴ ሄረረዩ ዮም 2 ዩናይትድ 1990 ጽብሕ ምድር ዲብ መሐበ.ዐን አተዩ።

ዲብ ዮም 3 ዩናይትድ 1990 ጽብሕ ምድር ጄሽን ዲብ አርበዕ ምን ሕድ ለትራዩመ አካናት

ህጃም ጠለቀ። ዲብ ቀበት ሳዐት ወሰር አርበዕ መዐስከር አባይ እንዴ ደውሸሽ ሳዐት 4፡00 አልዐስር ዲብ አቡግላብ 75 ኪሎሜተር ከርስ አቶብዩ እንዴ ተሐየበ ዲብ ገበዩ ለዐለ መዐሳክር ዲብ ደውሸሽ ሄራሩ እት ለአተላሊ፡ አሰክለ አግደ ሀደፋ ለዐለት አሰሰ ወመሓዝ ዳቡስ እንዴ ትቀደመ ሀደፋ አድመዐ። አባይ አሰሰ ክምሰል አቲነ እግል ህጃም ለነፈዘ ክፈል-ጄሽ 70 ክምቱ ኣከደ። ለ “እብ ሰምህርቶም ለለሀጅም” እት ልብል ክም ኣኪደት ናሰኦ ለዐለ ክላሳት ሸንክትለ ምርጠረፍ እንዴ ለክፈዩ ህዩ፡ “ቀሸውነ” እንዴ ቤለ ሀሙ ወቀልቡ አሰክ አሰሰ እንዴ ዐዞ ቅዋቱ ምን ጎንደር ወሸወ አሰክ አሰሰ እግል ልጎርት ትባደረ። ሐቆ እለ ቅደደት ጀብህት ሸዕብየት ክፈል-ጄሽ 70 ሬድዮ እትሳሉ እንዴ ደብኦ ትክ እንዴ ቤለ እብ መጽአዩ ገበይ አሰክ ሀበሮ እግል ለአቅብል ትእዛዝ ሀበት። ምኑ ዱቅሪ እት ዐመልየት ፈንቅል አተጀህ። ዲብ ጀብህት ሸዕብየት ሐርብ ምን ዕሉም ዝያደት ፈን ክምሰልቱ ህዩ እላሙ ብዕደት ኣኪደት ተ።

* * *

ዲብ ዐመልየት ፈንቅል ፌብራይር 1990፡ ዲብለ ሚነት ባጽዕ እግል ነሐርር ለገብኦ ህጃም ብጉሳት ለዐለዩ ውሕዳት፡ ክልኤ ብርጌድ ወክልኤ ቦጦሎኒ ክፈል-ጄሽ 70፡ መከናይዝ ውሕዳት ክፈል-ጄሽ 74 ገበኦ እት ህለዩ፡ መለሀይ ዐብዱ ረመጭ ለጸብጠዩ ሐቲ ብርጌድ ናይ ክፈል-ጄሽ 96 ህዩ ክምሰል ቅደር (ርዘርሽ)

00 ዲብ መወቀል ንቅጠት 120 መጸኣነ። ዲብለ ባካት ልሰዕ ምስል ተረርፍ አባይ ዘብጥ ልተላሊ ዐለ። አፕራተርዬ ሬድዮ እንዴ ጸብጠ መጽኤኒ ወምስል ዐብዱ ረመጭ አትራክቤኒ።

“ሀለው ዐብዱ... ከኣፎ ህለ ቴለል?” እቤሉ።

“የእ መመቅረሓይ ጀብህት ብርጌድክ እንዴ ጸብጦክ አሰክ ድግድተ ጊሰ ሰበት ቤሌኒ እገደሰ ህሊኩ።”



እግል ዐብዱ ረመጭ ሐቲ እግል ኢብሎ ይእቀድር። ትእዛዝ ምለዐልቱ መጽአዩ። ዲብ ጋድም እምበል እለ ብርጌድ እለ ብዕድ ቅደር ይዐለ እግልነ። እግል መመቅረሓይ ናይለ ጀብህት እንዴ ረኩብኮ “ብርጌድ ዐብዱ ረመጭ አሰክ አዩ ትነሱው ህሊኩም?” ትሰኣልኩም።

“ድግድግተ ሰበት ኢትካረጀት ጽብሕ ምድር ድግድግተ እግል ንክርጅቱ።”

“ከሕነ ህዩ ሚ እግል ኒዴቱ? ጋድም ወእምበል ሴድያይ...?”


“ድግድግተ አሰክ ትትከለስ ዲብለ ህሊኩም እት ኣካን ወዐሎ!” ገብኦ ለበሊሰ።

ጋድምቱ። ዲብ ጋድም ለለሀጅም ጄሽ፡ ሐቲ ዶል ሄራሩ አንቀሰ ምንገብኦ፡ አረይ ቀዝፍ ክቡድ ሰለሕ ወዋያራት ሐርብ ክምሰልሁ ናይ እንትልፋፍ (Flank Attack) ህጃም ምዳድቱ ለገብኦ። መከናይዝድ ብርጌድ 27 ናይ አባይ፡ ዲብ ፎርቱ ለዐለ። ምኑ እግል ልምጸእ ወቅት ኢነሰኦ ምኑ። ፎርቱባጽዕ 50 ኪሎሜተር ቱ። እት ረኣሰ እለ ለምስል ድቁብ ውሕደት መከናይዝድ ዝያድ 15 ደባበት ወረሻሻት አባይ ዕስኩር እት ለዐለ ዶገለ፡ ዲብ መሳፈት ሐጫር ናይ 3-4 ኪሎሜተር እብ ሸብህ ድማን ሰምጥናቱ ለህሊት። እብ ተውሳክ አባይ እግል ልሕሰብ ፍክ ረክበ ምንገብኦ፡ ለጋድም ፋዬሕ ሰበት ገብኦ እብ ግንራራብ በሐር ደንበር እንዴ ከልቀ እግል ልሀጅም በክት ቡ። እለ ህዩ መብቅያይ ቴለል እግል ልከለቅ ለቀድርቱ። ሰበት እለ ወቅት እንዴ ኢትነሰኦ ዲብ ምር ቀራር እግል ልትበጸሕ ዐለ እሉ።

ዲብ ክእነ ላቲ ቴለል፡ ረኣይለ ምተሐቲክ ለህለው መስኡሊን ሰኒ ምህምቱ። ሰበት እለቱ ህዩ እት ዶሉ ሻፍግ እጅትመዕ ናይ ቅደደት በራጊድ ትላኪኩ። እጅትመዕ ዲብ ቀበት ሐርብ። ኣነ ወቃእድ ክፈል ጄሽ 74 መለሀይ ተኪኤ ርእሶም (ብሪጋደር ጀነራል) ለምን ቅሩብ እግል ንርክቦም ለቀደርነ ቅደደት በርጌዳት፡ ቃእድ ብርጌድ 10 መለሀይ ሐዲሽ ኤፍሬም (ብሪጋደር ጀነራል)፡ ቃእድ ብርጌድ 20 መለሀይ አፈወርቂ ዮማኔ (ኮሎኔል)፡ ክምሰልሁመ ገሌ ምን ቅደደት ብርጌዳት

ናይ መከናይዝድ እንዴ ትላኪኩ፡ ለአግደ ርዘርሻን ብርጌድ 96 አሰክ ድግድግተ ክምሰል ጌሰት አሰክ ድግድግተ ትትካረጀ ዲብለ ህሊነ እት ኣካን እግል ንውዐል ሕቡርነ ክምሰል ህለ። ሚ ክምሰል ለሐይሰ እንዴ ትጋሚነ ዲብ ምር ቀራር እግል ንብጸሕ ክምሰል ብነ ሐበርናሆም። እብ ሐቲ ክርን አባይ እግል ልሕሰብ ወቀት ሀብናሁ ምንገብኦ፡ ብዕድ ልትረፍ እስቡሕ ህጃም እንዴ ኢነኣነብት ሳዐት 8፡ 00 ገብኦ ምንገብኦ፡ ትም እንዴ ቤለ እግል ለአቅምተነ ሰበት ኢኮን፡ ጽብሕ ምድር ህጃም እግል ነሀርስ ቀረርነ። እንዴ ዳሌነ ትሚዩነ ህዩ፡ ምድር እግል ልጽበሕ ክምሰል ቤለ ብርጌድ 20 ውብርጌድ 71 ምስል ደባባቶም እብ ምግብ ወግንራራብ በሐር፡ ብርጌድ 10 ምስል ደባባት መዐስከር ዶገለ ድማን እንዴ አትሊት ትክ እንዴ ትቤ አሰክ ጽርግዩ ጸላም ክምሰል ትሰጥር ወዲነ። እለ ቀራር ወበዳሪት እለ እግል ክሉ ቴለል ዲብ መደት ሐጫር ዲብ መስለሐትነ ክምሰል ልትበደል ወደዩ። ዲብ ድግድግተ ለዐለ ጄሽ ገበይ እንዴ ኢበትክ ክሉ ምስል ቀንጸ። ዲብ መዐስከር ዶገለ ለዐለ ደባባት ወስለሕ ባጽዕ እንዴ ኢለኣቱ ህዩ ክሉ ዲብ ሐን መራቀብትነ አተ።

እብ ናይለ አምዕል ለሀ ህጃም፡ እግል ባካት ግርጉሱም ወፎርቶ እንዴ ሸኣግነ ሰበት ትመዩነ ለምን ፎር ለመጽኦ ብርጌድ መከናይዝድ 27 ናይ አባይ ዲብለ ሐርብ ኣካት ድፍዑ እግል ልወጤ ወቅት እንዴ ኢረክብ ምስል ዲብ ናይ ዮም 10 ፌብራይር 1990 ህጃም ዲብ ግራር ወናሻልብይዝ ናይ ደውሸሾት በክት ለዐረ እቦም እንዴ አተ እቲ ትቃመደ።



ውላጄ አውኪራም የመቼ እንዴት ትትፋግላለች ለትደርሶ ምን ድግም እግል እዳግም እግልክም ቲ። ቀዳምያም አጅያል እብ ገበይ ድግም ወሐካኪቶ እንዴት ወደው አጅኒቶም ለአትፋግላለች ወለሐብሮ ነብረው። ሐዋናት ናሶም እብ ህግያን እንዴት ወደው ክምሰል ኢልትሃገው እመር ቲ። ምናተ ለዐባዩ አብዕቦታት አጅኒቶም እብ ሀይአት ድግም እግል ለሐብሮም ወልምኮሮም ሐቆ ሐዘው። ሕካየት ሐዋናት እንዴት አክተርዐው ክምሰል

ተሃገው እንዴት አተምሰለው እግል አጅኒቶም ለሐኪኑ ነብረው። ከዮመቱ እለ ናይ አርበዕ ሐዋናት ድግም እግል እዳግም እግልክም ቲ። መደት ሐቲ ሐየት፡ ሐሺል፡ ወዐግ ወአብገሐሩ ምስል ነብሮ ዐለው። ሐየት ክልዶል መልክ ናይ ሐዋናት ቲ። ክሎም ለብዕዳም እበ ህቲ ለለሀይቡ አማውር ገይሶ ወልትሐከሞ ነብረው። ሐየት ምስዳር እግል ልንሰእ ዶል ለሐዘ ክልዶል ምስል ሐሺል ልትጋሚ ዐለ። ወዐግ ወአብገሐሩ

እኪት ለለሐሰብ ተክክዩ ረክብ

እብሊ መዋዲት እሊ ሰበት ቀንኦው እት ፍንጌ ሐየት ወሐሺል ፍጌር እግል ልቅርሐ ሰተተው። አምዕል ሐቲ ሐሺል ሱፋር እት እንቲ ዲብ ሐየት እንዴት መጽኦው፡ “መንባኅ እሊ ሐሺል እስኢን እግል ልሸቄ መረ መቅደረት እንዴት ህሌት እግሉ ሰበት አጽለመ እንተ እምበል እስኢን ትገይሶ ህሌክ። እሊ እግል እኪትክ ዕንዱቅ ህላ።” ቤለው። ሐሺል ፍትነት ወዐግ ወአብገሐሩ እንዴት ሰምዐ ሐሺል ምን ገበዩ አሰክ ለአቀብል እት ለሐራሞ ጸንሐ። ክምሰል መጽኦ ህይ። “እንተ በዐል አከይድስ ነዐ፡ የም ሸቅልክ እግል አርኤካ። አነ ዲመ ምስልክ እትጋሚ ወእግልክ እፈቲ ወእንተ እግል እኪቼ ተሐሰብ? እት ልብል አትፋርሀይ።” ሐሺል ድንጉጽ እት እንቲ፡ “መንባዬ፡ አነ ሚ ወዴት? አነ እግል ሰጌትክ እት ኢኮን እግል እኪትክ ሓሰብ ይኣነ። ዲመ ጌማያይክ ወበዐል ሰጌትክ አነ ማሚ?” ቤለዩ እንዴት ለሀቀብቅብ። “እንተ በዐል ሰጌቼ ይእንተ! በዐል ሰጌቼ ምንዲ ትገብእ እስኢን ወሸቄክ እግልዬ። ሸቅየት እስኢን እት ተአምር እብ እገርዬ ብራቁ እግል ኢጊስ ሐፊክ። የም ስጋድክ

እግል እቀልጭም ቲ” እት ልብል አትፋርሀይ። ሐሺል እለ ዶል እለ መን ፋትን እቡ ክምሰል ህለ ሰበት አመረ፡ “መንባዬ፡ አማንካቲ እስኢን እግል እሸቄ እግልክ ዐለት እግልዬ። ምናተ፡ እስኢን እብ ቀርበት አብገሐሩ ወዘነብ ወዐግ ትትሸቄ። አነ ህይ እግል እሊ ሰበት ኢረከብኩ እግል እሸቄ እግልክ ኢቀደርኩ።” እት ልብል በልሰ እቲ። “እላቲ! እሊ ቀሊል ቲ ማሚ? እንተ በሰ መዳሰ ግርም እበ እንድል ሸቄ እግልዬ እት ኢኮን ዘነብ ወዐግ ወቀርበት አብገሐሩ ጎርዬ ህላ።” እንዴት ቤለ፡ አሰክ ወዐግ ወአብገሐሩ ለዐይሮ ትጸበረ። አመቅረብ ክልኢቶም ክምሰል ዔረው ሐየት ቀለጭም እንዴት ወደዮም ሐሺል እብ ቀርቦቶም ወዘነቦም እግል ልትነፈሶ አሰከለዩ። ሐሺል እብ ሸጣረቲ ዲብ አባያሙ ሰበት ተዐወተ ምን ቀርበት አብገሐሩ ወዘነብ ወዐግ መዳሰ ሰኒ ግርም እንዴት ሸቀ ሀይ። ምናተ፡ ሐየት ፍትነት አዳም ሰበት ሰሚዕ እግል ሐሺል ብቅት እግል ለአጅሬ ዲቡ ክምሰል ቀድር ኢቀወ። ሰበት እሊ፡ አምዕል ሐቲ መጦር መንባሁ እንዴት ትገሰ። “መንባዬ፡

ዲብ እሊ ምድር ምትሐትነ ምርት ሐየት ገዚፍ እንዴት ልትጋዩጽ እግል ልቅተለክ ለሐዘ ህላ።” ቤለዩ። ለሐየት ሓርቅ እት እንቲ፡ “ዲብ አየ ህለ? አርኤኒ ቲ። መን ቲ ዲብ እሊ ድዋራቼ ለመጽእ? የም ስጋዱ እግል እሰበር ቲ።” እት ልብል ነግነ። ሐሺል እግል ሐየት እንዴት መርሐ ዲብ ሐቲ መራት ጌሰ እቡ። እት ረክሰሰ መራት እንዴት በዋረ፡ “እሊ ቲ መንባዬ፡ እንዴት ደንክ ግንሐ።” ቤለዩ ለሐየት እት መራት ዶል ደነ ተምሳሉ ዲብ ቀበትለ ማይ ረክዩ። እለ ዶል እለ እብ ሐሩቀት ክምሰል ደናግህ ላመ ተምሳሉ ቀበትለ ማይ እት ደናግህ ረክዩ። ሐየት ሰኒ ሐርቀ፡ “ወለ ጸራት እግልዬ ለአትፋርህ ህለ!” እንዴት ቤለ እግል ልቅተሉ ዲብ መራት ተርከሸ። እብሁ ህይ መራት ወሐጠቲ። ሐሺል እብ በሰሩ አባያሙ እንዴት አሰረተ መስከብት ረክበ። እግል እኪቲ ለትበገሰው ህይ አረይ ገብኦው ልትበህል። ከምን እለ ድግም እለ ለእንደርሱ ህለ ምን ገበኤ፡ እግል ጸርክ ለትሐዘዩ እኪት እግልክ ክምሰል ትነሰእ ቲ።

መራዐዩ አንድብ አግሩዝ ወአጅኒት

ምዕራፍ 4
4. ዲብ ዐድነ ለልትርኦው አግደ ሕማማት አፍ አግሩዝ ወአጅኒት

ወአክል እሊ ሕማም ዕስር እግል ኒበል ምንመ ይእንቀድር፡ ምን ተጅሪበትነ ለነአቀምቶም እሎም ለተሉ ቶም፡-

ወለዐል ላቶም አንፋር እብ ሰበብ ሕማም ዕስር ክምሰል ቲ ልትአመር።

• ዲብ ብዝሓም አንፋር (80%) ዘሀሪ አው ህይ ሃስሰ

ሎቢን ሸበህ ቀሌዕ ወዋበዕ- ዋበዕ ለመሰል ሸክል ብዲቡ፣
• ዕስር ሕያይ ዲብ ስጋድ- አንድብ እንዴት ለዋኦ ልትረከቡ።

ሀ. ሕማም ዕስር (Periodontal disease)

ዲብ እሊ አንድብ እሊ ሚ እንርኤ ህሌነ? እብ ፍንቲይ እት ባካት ዕስር ሕብር አሰፈር(ብጪ) ልትርኤ ህላ።



ዲብ ዕስር ህይ ሚ ነአቀምት ህሌነ?

እብ ፍንቲይ አጅፋር ዕስር፡ በህለት እብ እንክር አንድብ ለህለ ክፋል ዕስር ቀዬሕ ጋብእ ወሕቡጥ ህላ። እሊ ቅዶሔ ወሕባጥ እሻረት አረር ቲ።

ሕማም ዕስር እግላ ገብኦ ዕምር ወጅንሰ አዳም እብ ብዝሐ ለልኦደሚዕ፡ ሰበብ መትሻራፍ አንድብ ወመትደርዳር ገብእ ህላ። አንድቦም እንዴት ሀንቀልቀለ ለልትከፍከፍ ምን አርብዐ ሰነት

ለሕማም ሚ ክምሰል ቲ እንዴት ይእንሸፊሕ፡ ፈሀም ሰኒ እግል ለሀሌ እግል፤ አንድብ እብ ከአፎ ዲብ ዕስር እንዴት ትሰቀቀ ክምሰል በዋር፡ እት ተሐት 2.1.2 ጼብጠት ላቶም ገርባት ነአቅምት።

1. ዕስር(Gum) ሰገ ለቡ ክፋል ዕስር(Gingiva)
2. ሰመንቲም(Sementum)
3. መገልበብ ድዋራት ቅርድ-ኒብ(Periodontal membrane)
4. ዐጭም ዕስር (Alveolar bone)

ከእብሊ፡ ሕማም ዕስር እግል እሎም አርበዕ ክፈፍል ገርብ ለአደሚዕ። እሊ ሕማም እሊ ሚ ክምሰል መስል ወእብ ከአፎ ክምሰል ለአነብት ጀላብ እግል ንፍሀም፡ ዕስር ሕያይ ከአፎ ክምሰል መስል አመሮት ምህም ቲ።



ዘሀሪ (Salmon pink) ገብእ እት ህላ፡ ዲብ ሰርም ጸላይም ላቶም አንፋር ጸሊም አው ህይ ሸግራይ(ቡኒ) ለመሰል ሕብር ቲ።


• ዕስር ሕያይ ሓምል እንዴት ኢገብእ፡ ክምሰል ቀርፈት

አረር ዕስር(Gingivitis)

እሊ እግላ አንድብ ምስል ዐጭም ዕስር እንዴት ጸብጠው ሸብ ለልኦብሎ ጸብጠት ላቶም ገርባት ለልኦደሚዕ ሕማም ዳይም ቲ። እብ ዓመት መብዝሐም ኤረትርዩን ሕማም አረር ዕስር ህለ እግሎም።

□ ዕስር ሕያይ ዲብ ዐጭም ዕስር ላዋኦ ቲ።

□ ዕስር ሕያይ እብ ንግልክ ዶል ተምትሙ ሓምል ኢኮን። 80% - 85% ምን እት መዳርስ ለልትረከቦ አጅኒት እብሊ ሕማም እሊ ለትደምዐው ቶም።



አሳር

ረስም አብዓት እት ኤረትርያ

2^ይ ክፈል

ረስም አብዓት ክፈል ኤረትርያ ለትመልኩ ፋይሕ ወታጅር ውርስ ብሰር ተ። አሳር እሊ ርሱማት እሊ አስክ አዜ እብ ቀሪን ለገብአ እቱ ብሒሱ ምንመ ኢህሉ፡ እበ አስክ እለ ጋብእ እሉ ለህለ ሕፍዝ ሐዋን፡ እት አይ ክፈል እለ ወጠን እለ እት አብዓት ለህለ ረስም ወወቁር ነቁሽ፡ ለትፈናተ ሽክል ወጽቦጥ ወክል።



ሰወር - ገሌ ክፋል ምን ናይ አብዓት ረስም ኤረትርያ

እት ሰነት 1960ታት እብ ፓውሎ ግራዝዮሲ ለትበህለ ኢጣልያይ ለትወሰቀ ብዞሕ ናይ አብዓት ረስም፡ ክም መሰል እግለ ሐር እግል በሐስ ለገብአ በገስ ለትወሰቀ ወሳይቅ ተ። ክምሰለ እመር ንሱእ ለዐለ መፍህም ፓውሎ ግራዝዮሲን ውበዕም መትመራምረት ክም ለሸርሕዉ ለበዝሐ ክፋላትለ እት ኤረትርያ ህለ ረስም አብዓት ቀደም 5000 ምስለ ምን ባዶብ አስክ ቀር-አፍሪቀ ለሳገመ እብ ርዕዮ ልትናበር ለዐለ አዳም በዲር ለትጸበጠ ክም ቱ ወድሐ።

ለእት ሰነት 1960ታት ለእብ ፓውሎ ግራዝዮሲ ለትጀምቦ ክፈል ረስም እት አብዓት እት ሰነት 2002 ለገብአ በሐስ ዕልም ለረስም ምን ሄማታይት ለትበህል ቀመም ሕብር ቀይሕ ለልህይብ፡ ማንጋንዝ አክሳይድ ለትበህለ ቀመም ህዬ ሕብር

ጸሊም ለልህይብ መዓድን ምኑ ለትዳላ ክም ዐለ ልትሐበር። እበ ገብአ ብሒሳት ዕምር እሊ ርሱማት እግል አመሮት ለሰዴ እብ ካርቦን ለልትአመር ቀመም እት ጽቦጥ እሊ ረስም እሊ እብ ኢመትረካቡ አሳር እሊ ነቁሽ ረስም እግል አመሮት ብሒሳ ብዞሕ ለአትሐዜ።

እብ ተውሳክ እሉም መዓድናት እሉም ክም ደቀቀው ምስል ደም፡ ቢጨ ሕብር ቢጨት ምን ሽብሕ

መወክላይ፡ መመሰላይ መናበረት በዲር፡ ወዓዲ ሹብህ ለሸርሕ ናይ አብዓት ሰወር ወወቁር ህዬ እግል መሕበራይ፡ እቅትሳድያይ ወሰዋልፍ አዳም በዲር ለሸርሕ ተ።

ጀግራፍያይ መትመዳድ ረስም አብዓት ወነቁሽ ብለቅ፡ ጀግራፍያይ መካሪት ወዕልም ምድር ኤረትርያ ለፈጥራቱ። እት ክል ክፈል እለ ወጠን ለህለ እሊ አሳር እሊ ለቡ እንክራት ምድር

ወዕጨይ ለፈግር ቀመም (tree resins) እግል ረስመት ክም

ልትሰማማዕ እንዴ ገብአ ልትዳሌ ለዐላቱ።

አዳም በዲር፡ ምን ዘበን በዲር እሊ ሰወር እሊ እግል ለአዳሌ ለትፈናተ ቀመማት ልትነፍዕ ክምሰል ዐለ ልትአመር።

እት ኤረትርያ ለህለ ረስም እት አብዓት ምንቀይሕ፡ ቢጨ፡ ጸሊም ወጸዕደ ሓባር ለትዳለ እት ገብእ፡ ቀይሕ ወቤጨ ሓባር ምን ለትፈናተ ጽቦጥ አይሮን አክሳይድ (iron oxides) ለቡ ብለቅ (ochre) ምኑ፡ጸሊም ሕብር ምን ማንጋንዝ አክሳይድ ሕመት (charcoal) ለትበህለ ጽቦጥ ቀመም ለትረከበ እት ገብእ ጸዕደ ህዬ ምን ካእሉናይት እት ምድር ለልትረከብ መዓድን ለትረከበ ዐለ።

እት ኤረትርያ ለህለ ጽቦጥ እምበል ረስም እት ብለቅ ለትወቀረ ትምሳላት ወጀሚትርያይ አርእስመ ለክምክም ተ።

ምኑ ትትአከድ። መትመዳድ እሊ ረስም ወእት ብለቅ ውቁር ለህለ ነቁሽ እት ጌማም እብ አተዮት ለበዝሐ ክፈሉም እት ምግባይ ወቅብለታይ ክፈል ከበሰ ኤረትርያ ልትረከብ። እሊ ክፋላት ከበሰ እሉም ዒን ናይለ እት ኤረትርያ ለህለው ዐባዩ ውሓይዝ ክም ከረ መረብ፡ በርኩ ሐዳሱ ዐለ-ገዴ ሰበት ገብአ፡ እበ ህቶም ለልሐልፎ እቡ አጸድፍ ውበዕድ ድዋራት እሊ ረስም አብዓት ወነቁሽ ልትረከብ እቱ።

አስክ እለ እበ ጋብእ ለህለ ናይ ተውሲቅ አሽቃል እት ድዋራት ዐዲ ቀይሕ፡ ማይ ዐይኒ ወጸሮን (አቅሊም ግብለት) ጋለ ነፍሒ (አቅሊም ምግብ) ነቅፈ ወቅሮረ (አቅሊም ቅብለት በሐር ቀየሕ) አሰማጥ (አቅሊም ዐንሰበ) ምውዳቅ ጸሓይ ቀላቅል ዐድነ (አቅሊምጋሽ በርከ) ድዋራት ጢያ (አቅሊም ግብለት በሐር ቀየሕ) እሉም አሳር ሰዋልፍ ምን ትረከበ እቶም አካናት ዐድናቶም።

ልተላሌ.....



ምን ሐልየት ዐድ ትማርያም ሳልማን ወድ መስመር እግል ሐሰን ወድ መሐመድ ሹም ዐሱስ እት ለሐምድ ለሐለየ ሕላየት ክእነ ትብል፡

ጭሩም ወልድ ሚ ኢዐለ ሰልሐ ምኑ እንታ ቱ ምን ትትሃጌ ንሳሉ ወምንዲ ትገንሕ ዕንታቱ ለእቡ ገንሕ መናዝር ለእቡ ቀትል አሰማ ቱ እግል ሚ ገመል እምለክ ዐቲግ እብለ ሰርዋቱ እት ጎረት ብሉሱ እግል ልንከሽ ሰጋዱ ወእግል ሚ ባቡር እምለክ ለተናፍሰ ባባቱ ወእግል ሚ መርኩብ እምለክ ዕጫይ ግምሽ ሸና ቱ ወእግል ሚ ሐየት እምለክ ወልህ ዲብለ ሳሳ ቱ ለህይመ ተዐከ ላክፎ እንዶ ነስእ ለእያዱ ወእግል ሚ ሐርማዝ እምለክ ለህንጠዋጥል ነግዋቱ ወእት ሚ ፈረስ እምብለ ለአትግረ ምክላቱ ዐንሰባታት እምለክ ተለክ ቤለ ሸውያቱ ተንከር ዓይር እምለክ እምቡሽ ኣቲ ምን ጋሹ ተክዐሌ ወዐካት እቡ ዐብብ ውላዱ ወሒጡ መጽአ ወለቀራጣጡ አግድሩ መጽአ ወለቃቅታቱ አዚሙ ፈቱ ወለአትማሻሹ እንግሊዝ ወፈረንሲስ አድሁይ ነስእ ሃባቱ እት ምዕጥን ፈርሁዎ ምልእት እንተ ኔዋቱ ወእት አፍያት ፈርሁዎ እንዶ ደፍን እሳቱ እት ድጌ ፈርሁዎ እትፎታት ለቅዱይ ትንፋሱ ነጋፍ አንገቡ ሕስሐሰ ሰጋዱ እሱር ላቱ ጠልቆ ፋግር እንቱ ሓባቱ እግል ጀበረት መጽአኮ ሓይላይ ፍሩግ ቱ ልባሱ እግል ገመል መጽአኮ ሚ ቱ አድግ ጥራጡ።





ገጽ 10



ሕግ ሰላማ

ቴሌቪዥን ሰዓድ መርባይ ዐውቲ ለልሐብር ቱ

እት ቴሌቪዥን ሰዓድ ምን ደገ እት ደገ እንዴ ተዐደ ዕልም እግል ልሐይ እብ ዕምር ንእሹ ኪሎ ሚትራት ብዘሕ እት ግይም ድፍሱ ለአንበተ ሻብ ማሌ፡ ዮም ወመስተቅበል ቱ።

ሻብ ህዩ ሓሊት ከርሱ እንዴ አደቀበ ክሉ ልትበጸሕ ለኢመሰል መሳልላ ሐያት እግል ልብጸሕ እንዴ አምነ ወደምነ ለልትበገስ ሰበት ገብሎ፡ ዕምሩ ምን ሸብት እግል ልቃድር እት ከማካም ምንመ ህሊ፡ ፍክር ወሀደፍ ራትዕ ለመልክ ሰበት ገብሎ፡ እብ ዕምር ምን ሸብት ምንመ ልትሳረሕ እብ ወቀይ ላኪን ዲማ ሻብ ቱ።

ዕልም ብዘሕ መሐለኪት እንዴ ተዐዳክ እግሉ ለልትረከብ ክምቲ እንዴ አግረሰ እብ ሰበት ትበገሰ፡ በዲር ምን መስከብ እት መሳክብ እት ልሐሐ እብ፡ በደን ወመሐገዝ እንዴ ከህለ እግሉ እብ ደረጃት ዲግሪ ምን ሕዳም ለእብ አሜብላ ልትዕለብ ዳርሳም ሸባን ትሰዲናት እግል ልግበእ ለቀድራቱ።

ግራሁ ህዩ ምስል ሐያት እዲነ እት ልደራገግ ወዶልክ እት ሐንቲህ እት ተኣትዩ፡ አዳሙ እግል ልምሰል ሰበት ዐለ እግሉ፡ እት መስኡልየት እንዴ አተ አብ ዕደል ወጺወ ገብሎ፡ እት ረአሰለ ራፍዑ ለዐለ መልዶ መስኡልየት ሸፍር ዋልዳን።

ህቲ ላኪን እዲሁ ሰበት ይህበ እብ ጸሩ ዕኑን እት እንቲ ምንመ ሂራር ምን ቀበት ማይታም ወባትካም ሰአየት ምን ሐዲስ እግል ለአወልውል ወእብ ዕልም እግል ልትቀደም ለቀድረ ምን ፍንቲያም አዳም ዮም ቱ። ሰሕፊ ወመስኡል ፈርዕ ክርን ገቢል በርናምጅ ብሊን ላቲ ሰሕፊ እዮብ ተሰፈሐንሱ።

እት ራድዮ ክርን ገቢል እምበል ዕርፍ ምነ ከድም ሰሕፍዩን ቱ ዐድናቱ እዮብ፡ ምስል ህለ እግሉም መሐገዝ ሰሕፍዩን እት አዳለየት ወቀደምት በርናምጅ ብሊን እንዴ ኢልትሐጨር እግል ህለየት ራድዮ ብሊን ምነ አሳሰ ለከረው ሰብላም ሰሕፍዩን ብሊንም ቱ።

እለ ዮም እት ክል አምዕል ትጠለቅ ለህሌት ራድዮ ክርን ገቢል ፈርዕ ብሊን እብላ ህሌት እግል ቲበል ምነ ከድመው እግል ሰሕፍዩን ለሕዳም ምንመ ለህሌ፡ ህቲ ቀዳም ሰኔት ገብእ እግሉ።

እለ እት መሸገገሉ እት ህሊ፡ “አዳም እግል ለአፍሬ ገብእ ምንገብእ፡ እግል ልትዐለም ህለ እግሉ” ለልብል ፈሀም ሰበት ዐለ እግሉ፡ እብ ገበይ መራሰለት እትለ ገሌ አውርሐት ግረ ሐሉፋሙ ምነ ለህሌት ሰነት እብ ማስትረይት ምነ ደሐረው አንፋር ውዛረት እዕላም ዎር ሰበት ዐለ፡ ዮም እት ሰፍሐት ሸባን ዓዝማሙ ህሌት ሰሕፊ እዮብ፡ ከእግል ዮም 1ይ ክፈለ መቃበለት እንቀድም እግልኩም፡ ቅራኣት በኪተት።

ሰአል፡ አሰልፍ ምስል ርሕክ ምን ተኣትኣምረን?

እዮብ ተሰፈሐንሱ ዐቅጣዝጊ እትበህል። እት ሰነት 1971 እት ወሰበንሱራኽ እት ዐድነ ሕመራይ እቲ ትወለድት ወዕምር ንእሹ እቲ ሓለፍኩወ። እተ ዕምር ለሀይ እት ርዕዮ ንዋይ እትፈረር ዐልኩ፡ ክምሰል ክሉ እት ብሩር ለነብር ገቢልነ ለወድዮ ህዩ ምስል ዋልዳንዬ ምን ዕምር ንእሹ እንዴ አንበት እት ሐርሰ ወርዕዮ እሰድዮም ዐልኩ።

ሰአል፡ ድራሰት እተዋ አንበትካህ?

ድራሰት እት ዐድነ አንበትኩወ፡ አሰልፍ ናይ ዲን ክስታን ምሴ-ምሴ እት እንገይሰ ወአስክ ሰር ላሊ እት እንጸንሕ ዲን ክስታን እንደርሰ ዐልኩ። እተ ዐድነ መድረሰት ሰበት ይዐለት ለዲን ክስታን ተሀይበነ ለዐለት ከኒሰት፡ አሰብሕ መድረሰት አካደምየት ተአደርሰ ዐለት፡ እለ ህዩ መልህያምዬ እተ መድረሰትላ ከኒሰት ድራሰት ክም አንበተውሰበት ሰምዐኩ አናመ እብ ሕገሽ ሰጃልኩ እተ። እትለ መድረሰት እለ ህዩ ምን 1ይ-3ይ ፈሰል ደረሰኩ እተ።

ሰአል፡ ግራሁ እበዩ ጊስክ?

ለመድረሰትን እት 3ይ ፈሰል ሌጠ ትበዋር ሰበት ዐለት፡ ግራ ሳልሳይ ፈሰል አካን ብዕደት እግል ኒጊስ ዐለት እግልኩ፡ መዲነት ከረን ትቀርብን ሰበት ዐለት እተ ወጊሰኩ ዐልኩ፡ ምናተ ዋልዳንዬ እብ ክሰሰ ተዐለም ብዘሕ እህትማም ሰበት ይዐለ እግሉም፡ እት ሐርሰ ወአውዐሉት ንዋይ እት አነ መዳርሰ በዲር ሰበት አንበተ በክት መትሰጃል ሐልፈኒ።

እለ ሰበት ዐለ ህዩ ዋልዳዬ መዲነት ከረን እንዴ ሐልፈ ብዬ እት ሸናረ ለዐለት መድረሰት ቤት ክስታን እተ እብ አትሓላይ አቲኮ ወመድረሰት አንበትኩ።

ለወክድ እብ ንእሹ ለሓልፍኩወ ሰበት ዐለ ሄራርነ አስክ ሸናረ እብ እገርነ ክእነ ዮም እትዘከሩ። አቡዬ እግል መሳሪዮዬ ለገብእ እክል እንዴ ረፍዐ እግልዬ ቀደምዬ እት መርሕ መዲነት ከረን ግራነ እንዴ ሀብናሃቱ ሸናረ ለበጽሐኩ።

ሰአል፡ ለክብቱ ከፍ ዐለ?

ወክድ ድራሰት ሓልፍዬ ዐለ፡ እት ሸናረ ክም መጸነ ለመድረሰት እት ሐንቲ ቤት ክስታን ተ ለዐለት ክምሰል እንዴ አሰለፍኩ

ለሐበርኩወ፡ ምስል ዐድ ወድ ሐልፍ እግል አቲ መዳሊፍ ክም አትመምኩ እተ መድረሰት ክም መጸነ ደረሳ እንበታም ጸንሐውኩ ለመስኡለ መድረሰት ለዐለ ቀሽ ቴልልነ ክም ደላቱ መሰለኒ እንዴ ትክብቲነ እብ ክሰሰ ዲን ክስታን ፈሀምዬ ወአምርዬ እግል ልታይን ገሌ አሰእለ ቀደመ እፍ፡ አናመ እንዴ በለሰኩ እግሉ መድረሰት እግል አንብት በክት ሀቢኒ ወድራሰፍ አንበትኩ።

ሰአል፡ እት ድራሰት ከፍ ጊስክ?

ክሉ ሐዲስ ቱ እግልዬ። እግል ኖሱ እት ዐድነ ለደረሰናሁ አፍሱል ምን 1ይ-3ይ እብ ገበይ መንህጅ እንዴ ትዳለ ልትሀየበነ ለዐለ ድራሰ ሰበት ይዐለ እብ ህግዶ ትግርኛ ወሂጋነ ብሊን ልተርጀም እግልነ ዐለ። እት ሸናረ ክም መጸኩ ላኪን ለመድረሰት እት ሐንቲ ርቱብ መንህጅ ተዐለም መስተዐምረት አቶብዩ ሰበት ዐለት እብ ሂገ አምሐርኛ ተአደርሰ ጸንሐተኒ። እለ እግል ኖሱ እግል እዮብ ምነ ወረጠ ዐቢ ጋራት ዐለ። አነ አምሐርኛ እግል እክተበ ወእድረሰ እበ አኩን ከሊማታመ እግል እፈናቱ መቅደረት ብዘሕት ይዐለት እግልዬ።

እት ሐርብ ትከፊት፡ ድራሰ ራብዓይ ፈሰል በደል ከሊማት ታመት ሕሰበት እንዴ ተዐዳኩ አጥዋግ ለትክትብ እቲ ለትደቀበ ፈሰል ምን አፍሱል መኣንብተይት ደረጃት ቱ ለዐለ። ለትገብእ ሰበት ይዐለት ላኪን እተ ውሒዝ ለድራሰ እንዴ ትከፊት እግል እፍገር ዐለት እግልዬ።

ለልኣትፈክር ሓለፍ ለርአው መደርሲንዬ “እለ ሕጻን፡ እለ ፈሰል ቀድሩ ሰበት ይህለ እተ ግረ ለህለ አፍሱል ምን እንበልሱ ለሐይሰ!”፡ ልብሎ ዐለው። እለ ለአተበለዮም እት 1ይ ሰሚስተር ለዐለት ፍገሪፍ ሐዋኒት ምን ሐበረቶም ቱ። ግራሁ ላኪን እብ ሐድራሐድ እት አትሓይሰ ሰበት መጸኩ ለሰነት ለህ እንዴ ሐለፍኩወ ደረሳይ እግል እግበእ አንበትኩ።

ሰአል፡ ፍገሪት መኣንብተይ ደረጃ ከፍ ትዘከሩ?

እት መኣንብተይት ደረጃት እብ ፍንቲይ እት ሸናረ ክም መጸኩ፡ እብ ሐድራሐድ እት ድራሰፍ እት አትሓይሰ ሰበት መጸኩ፡ መደርሲንዬ እግል ደረሰ እጅትመዕ ወዱ እግሉም እት ህለው፡ እግልዬ ክም መሰል እንዴ ሀረሰውኒ ልትሃገው ብዬ ዐለው። ንዩት ሐቆ ህሌት ክሉ ክም ልትበጸሕ ቱ ሸርሐ ብዬ ለዐለው። ምነ እት ዘከርም መደርሲንዬ

ፍራትሌ ገብርአብ “እለ እዮብ ትርእወ ይህሌትም እብ ሐቲ ከሊመት ማጽእ ይዐለ። ዮም ትርእወ ይህሌትም ዝያዳኩም ገብእ”፡ ልብሎም ዐለ።

ግራሁ ናይ መኣንብተይት ደረጃት ድራሰትን ክም አትመምነ እተ ወክድ ለሀይ ልትሀየብ ለዐለ ጀነራል መኣንብተይት ደረጃት እት ከረን እንዴ ጊሰነ ወዳናሁ፡ መድረሰት ሸናረ ንኢሽ ሰበት ዐለት።

አናመ እተ እምትሓን ሰበት ሐለፍኩ አዜመ ምን ሸናረ እት ብዕደት አካን እግል ሄርር ዐለ እግልዬ። መድረሰፍ እግል አተላሌ ገብኣኩ ምንገብእ፡ መድረሰት ሸናራ አስክ 6ይ ፈሰል ሌጠ ተአደርሰ ሰበት ዐለት።



ሰአል፡ ከሚ ወዴክ?

አዜ ለእንዴ ሐለፍኩወ እት ሸናረ እደርሰ ምነ ለዐልኩ መዲነት ከረን እተ ዐቅበልኩ። እተ ወክድ ለሀይ እተ ዐደታት ለዐለየ አብያት ክስታን “ውላድ እት ደረጃት ሰኔት ለበጽሐ ወፈዳብ ህለው እግልኩም ምንገብእ እግል ነአድርሰም እግልኩም እንቀድር” ልብሎ ሰበት ዐለው፡ አቡዬ እለ ፍርሰት እለ እንዴ ትነፍዐ እተ ገዳም በህለት ኮለጅ ሲታውዶን እት መዲነት ከረን እግል ለኣቲኒ ትፋህመ ምስሎም ክምን መጣልብ ቤት እጃር ወመንበረት መዲነት ደሐንኩ።

ሰአል፡እትለ ሓለት እለ ከፍ ጊስክ?

እተ ኮለጅ ብዘሓም ሸባን ምስሎም ሰበት ተሓበርኩ ምስሎም እንዴ ገብኣኩ እብ ክሰሰል ድራሰዬ እግል እትሰኣል ወገበይ እግል እንሰእ ቃድር ዐልኩ። እግልሚ መደርሰ ከጃልካሁ ምን ገብእ መልህያምክ ሰበት ትሰኣል ምኑ። ዝያድ ክሉ ላኪን ለኮለጅነ እግልነ ለገብእ ጀድወል እንዴ አፍገረ ክል ደቂቀት እት መንፈዐት እግል ነአውዕለ ክም እንቀድር ሰበት አድረሴነ ሳዲነ ዐለ።

ሕነ ዛቱ እለ ንዛም እለቱ

ደረጃት እግል ንብጸሕ ለሰዳነ እግልሚ ወክድ እብ ከፍ ክም ትትነፈዕ እቡ ሰበት አድረሰውናቱ።

ሀደፍለ ግዳም ክሉ አዳም ቀሽ እግል ልግበእ አኩን ለልሐሰብ። እብ ንዩትክ ቀሽ ገብኣክ ምንገብእ ሰኔ ሰኔት ወኢገብኣክ ምንገብእመ ሰኔ ሰኔት። እግልሚ እንተ ዎርት ነፈር መስኡልየት ለረፍዕ አዳም ለልሐሸም፡ ዕልም ለትዐንደቀ ወዲን ለልአምር ሰበት ገብእ እለ ለካልኣይ ሀደፍም ቱ ለዐለ። እለ ህዩ እብ አክላቅያት እግል ንትረቤ ወአዳም እግል ንግበእ ምነ ሰዳናቱ።

እትለ አፍሱል እለመ በህለት ናይ ምግበይት ደረጃት እቲ ሰኔ እንዴ ሄርር መድረሰፍ አትመምኩ። ግራ እለመ ናይ 2ይት ደረጃት ድራሰፍመ እት ከረን ሰበት ይዐለት አዜመ አካን እንዴ ቀዩርኩ እግል እድረሰ ዐለ እግልዬ። እግልሚ ለገደም ለእቲ አቲ ዐልኩ እብ ገበዩ እግል እድረሰ ሰበት ወጅበኒ ዐለ።

ሰአል፡ ናይ 2ይት ድራሰትክ እተዋ አተላሌክ?

አስክ አሰመረ ጊስኩ። ፈርዕ ናይለ ገዳም እቲ እንዴ መጸኩ ምስል ብዝሓም ምን ለትፈናታ ገደማት ለመጸው ደረሰ ምስሎም እንዴ ትሓበርኩ ናይ 2ይት ደረጃት ድራሰትን አንበትኩ። እትለ እብ ንዛምቱ ለትገይሱ፡ እለ ሰበት ገብእ ህዩ አሰመረ ኖሰ ሚ ክም መስል ነአምረ ይዐልኩ። ለወክድ እት ደነግብ ተሚናት ሰበት ዐለ፡ ወለ ለአደርሰነ ለዐለው መደርሲን መደርሲን መስተዐምረት ሰበት ዐለው ሰኔ ለአደርሰ ይዐለው፡ ሕርየት እግል ትምጽል ቅርብት ሰበት ዐለት ሰአየት ባትካም ዐለው። ለደረሳመ እብ ክሰሰ ሰውራቶም ሌጣ ለሐሰቦ ዐለው። ለሓለት ተኣትናይት ሰበት ይዐለት፡ መስኡሊንል ገደማት ናይ ኖሱም መዳርሰ እግል ለአዳሉ ልትቀሰቦ ዐለው። እብሊ ህዩ መድሃኔ አለም ለትትበህል ናይ ኖሱም መድረሰት ዐለት እግሉም።

እለ መድረሰት እለ እግል ደምነ ራይመቱ ሰበት ዐለት፡ እለ አዜ አሰመረ ሐፈሻዊ ትትበህል ለህሌት መድረሰት በዲር እብ መድረሰት ልኡል መኮነን ትትአመር ለዐለት፡ ምስል መዲረ እንዴ ትፋህመው ምን ቅሩብ እበ መስኡሊነ ለአምጸምም መደርሲን ብሕተ ፈዳብያም እንደርሰ ዐልኩ። ክም ዝያደት ድራሰነ አው ድራሰ እዳፊ። እለ ህዩ ፈዳብያም ደረሰ እንዴ ገብኣነ እት ክል መድረሰትን ጀዋእዝ እግል ንንሰእ ለሰዳነ ንዛም ዐለ።

ልተላሌ...

ክብርን፤

ልብብ

ዐቅል መክሰብ ቱ!

- እት ዘመን ቅዱም ኦሮት ሱልጣን ዐለ። ለሱልጣን እት ሐንቲሁ እግለ ደውለቱ እትለትፈናተ መጃላት ለከድሞ ሸየም ዐለው እሉ። ኦሮት ምን እሎም ሸየሙ ናይ ፈሳድ ኣደብ ሰበት ዐለ እሉ የም ኣለቡ ማለ ደውለት እሉ ዘምተ፤

- ለሱልጣን እለ ከያነትለ ሹሙ ክም ደለየ ሰኒ ሐርቀ። ኣውእግለ በዐለ ሱልጣን እበ እሉ ወደ ሰርቅ ወዘማቱ ማል ደውለት ለለኣሰታህሉ ዕቃብ እግል ለሀቡ ነው። ለሱልጣን ምን ቅያስ ወለዐል ሰበት ሐርቀ ወህቲመ ሰኒ ቃሲ ሰበት ዐለ ሰይፍ እቡ ሲጋዱ እንዴ ለንፈ ከእግል ኢልቅተሉ ሐደት ዲቡ። ከብዕድ በሰር ለለኣመጥ ወእብ ምልሃሁ ለቀትል እግል ልርኩብ ሰበት ሐሰበ ህለው ለልብሉም ዑጋሉ እንዴ ጀምሶ ለሐሰ (ለኣከ) ጀዘ ለኣምጽኦ ሰርጉ እዱሉይ እሉ ክም ሀለ ሐበረዮም፤

- ወኦሮት ከእብ ጀህቱ ክም እለ ወክም እለ ውደው። እብለ ወእብለ ምን ትቀቲሉ ለሐደስ እት ልብሎ ኦሮት ከናዩ ለከፈኦ በሰር ለልብሉ ቀደመ፤

- ከምን እሊ ኩሉ ኣብሳራት ሞት ለጀማይዕ ቀደመዉ እበ ሱልጣን ዝዩድ ከብቲ ለነሰኦ ወእግለ በዐሉ ሰርጉ ለትህየበ እሊ ተሌ በሰር ዐለ።

- እግለ እናስ እብ ሕያዩ እት እንቱ እት ምግብ ቃባት ቃዝረት ምነ መናክቡ ገዱ ተሐት ለህለ ገርቡ እግል ልትቀበር። ወምነ መናክቡ ገዱ ለዐል ለህለ ለሰጋዱ ወለ ገዱ ወለረኣሱመ እንዴ ትላጸ እግለ ጃእረት ጫጮት እግል ልትቀለዕ። ወእብ ሰፍረ ኣዲግ እግል ኢሊሙት ለለኣበልዑዉ ወለኣሰትዉ እብ ተርተረት ለራቁቡ ዋርድዮት እግል ልግበኦ እሉ። ወእብለ ንክሸትለ ጫጮት ኣሰክ እኪት ርሐ እንዴ ረኣ እብ ምልሃሁ መይት እትለ ቃባቱ እግል ልሕዶጉ ትብል ዐለት፤

- ለሱልጣን እግል እሊ ብሰር ጀዘ እሊ ሰኒ ልዉቅ እት እንቱ ትከበተዩ። ወለእናስ ዲብለ ቃባት ምን ነሐሩ ወተሐት ትቀበረ። ለጫጮት ሰኒ ብዝሕት ሰበት ዐለት ኣደሐ ኢትብል ወላሊ ክመ እተ ንህብ ለእተ ረኣሰለ ሹመ ተዐሽል እተ ረኣሱ ሉዱይ ወለ ገዱ እንዴ ዐሸለት ለደሙ እግል ትምጠዋ ኣንበተት፤

- ኦሮት ምነ ልትቃዩር እቱ ለዐለው ዋርድዮት መንክ እበ ነብረ እት ላውሽ እሉ ለኣለቱ ሰበት ኣርሐመቱ። ኣዳም እግል ኢልርኣዩ ማን ወገለብ እት ልትዋለብ እግለ

ጫጮት ምነ ገዱ ሰለ እግል ሊበለ እሉ ቅሼናይ እቡ እሸ .. እሸ ዶል ቤለዩ ምኑ። ለእናስ ህዩ። “የሀ ሕደግ። ሚ ብከ ዲበ? እዘም ምነ። ሸቅልከ ሌጠ ሸቄ። ሚ ሐዜከ ምነ!” ቤለዩ፤

- ለዋርድዮት ህዩ። ከደሐን ቱ እለ ምን ጉበእ። ሐቀ ዕጉብ ህሌኮ ኢትጽበዋ እፔ ኣነ እብ እግልከ ተሐደስ ቱ ለወዴኮህ። ኣዜ ህዩ ደሐን” ቤለ፤

- ለእናስ ህዩ ክም እለ በልሰ ዲቡ። “እለን ሰለ ትብለን ለህሌከ ጫጮት ለደምዬ ግድም ናዩን ተ ሳትያተ ምኑ ህለዩ። ኣሰክ ኣድሩጠን ልትናቀዕ ሌጠ ጨመያኒ። ወኣዜ ግድም ትደዋረረየ ወክም እለ ትርእዩን ለህሌከ እተገሮብዬ እት ረኣሰ ኣሕድርዱማት ህለዩ። ወክፋዩተን ናሰኣተ ሰበት ህለዩ። ሐቆ እላዲ ብዙሕ ኢንኸሻኒ ሌጠ እንዴ ኢጉብእ ብዕዳት እግል ኢልዕሸለ ዲብዬ ጽላል ጋብኣት እዩ ህለዩ፤ ከእንተ ኣዜ እለን ሰለ ትቤ ምን ጉበእ ኣሰክ እለ ለኢጠዐመያኒ ሐዲሳት እግል ልዕሸለ ዲብዬቱ። እብሊ ሰበብቱ እደም ምነን ለእቤለከ” ቤለዩ፤

- ለዋርድዮት እለ ህግያለ እናስ እግለ ሱልጣን ዶል ደግመዩ። ለሱልጣን ህዩ ዐሳክሩ እንዴ ነደኦ እግለ እናስ ኣገድ እብ ሸፋግ ምነ ሕፍረት እግል ለኣፍጉሩ ኣምረዮም። ወክም ፈግረ ተማም እንዴ ተሓጸበ ወንረፈ ዲቡ እግል ለኣምጽእዎ ሐበረዮም፤

- ሐቆ እለ ለእናስ ክም መጽኣዩ ምን ሐዲሰ። ሐዲሰ ልባስ ሺመት እንዴ ኣልበሰዩ እተ ኣነነቱ በልሰዩ፤

- ለጀማይዕ ለመሰኣለት ሰኒ ኣትፈከረቶም። ከእግለ ሱልጣን ትሰኣለዉ፤ ህቱ ህዩ ክም እለ ቤለዮም። “ምን እለ መሰኣለት ዐቢ ደርስ ረከብዩ። ወኣዜ እት ዐመል ኣውዐልኮህ” ቤለዮም፤ ለደርስ እሊ ተሌቱ። እሊ እናስ ማል ልግበእ ሚደሀብ ክፋዩቱ ዘምተ። ኣዜ ምን እለ ወሐር ምን ነሰእመ ዐደድ እለ ኢጉብእ። እሉ እንዴ ቀተልኮ ከሹም ሐዲሰ ሸየምኮ እትኩም ምን ጉበእ። እሊ ሹም ሐዲሰ ምነ ዐለ ዲቡ ሕግላን እግል ልተጅር የም ኣለቡ ማል እግል ልዝመት ቱ። ከበደል ሐዲሰ ሰፍሩይ እሸይም እትኩም ከህቱ ምን ሐዲሰ ዘምተኩም። እሊ ጸጉብ ለህለ ናይ በዲር ሹምኩም ወለ ዛምትኩም እት እንቱ ህቱ ለሐደሰኩም ቤለዮ፤

ተበሰም

ኦሮት ውሕር ሰለሰ ሐበት ትፋሕ ትዛቤ፤ እግል ልብለዕ ሐቲህን ዶል ፈትሐ ተብዕን ዋድዮት እት እንተ ሰበት ጸንሐቱ ለክፈዩ..ለካልኣይት ፈትሐ። እላመ ክመ መለህዩ ተብዕን ምኑ ምልእት እት እንተ ሰበት ረክበዩ ለመለህዩ ኣትዐረዩ..ሐቆ እለ እት ሰልፍ እግለ ኑር ኣቅሰንዩ ወሐር እንዴ ኣቀመጨ እግለ ሳልሳይት ትፋሐቱ ሀገግም ወደዩ።

- ጀማይዕ ውሕር እግል ሰፈር ኣሕድ ታለ። ሐር ኣክለ ወቅት ነብረ ተምማተ ኦሮቶም ከግጥዐት ሰገ እግል ልትዛቤ ኣተፈቀው፤ ለሰገ እት ኦሮት ከልዕ ምስል ለኣበሹሉ ሰበት ዐለው ኦሮቶም ተ ከዲብለ ናዩ ግድ ለኣሰር ወእግለ ግድ እበ ጠረፉ ጸብጡ ዐለ። ከለ ከልዕ ማይ ወዱ እቱ ወተክዉ ወለ ሰገ ምስል በሸል። ከዶል ለሰገ በሸላተ

ኦሮት ነፈር ነብረ ዲበ ዕጉል እት እንቱ ጋሻይ መጽዩ። ኣሰላም ዐሌኩም ቤለዩ፤ ዐሌኩም ኣ'ሰላም በልሰ ዲቡ። ምናተ ቀደም በል ኣርሕብ ኢቤለዩ። ትም እትልብል ልቡ እተ ነብራሁ ሌጠ ወደዩ፤ ለነፈር ህዩ ምነ ነብራሁ ቅሩብ እግል ልሻቅሉ ሰበት ነዉ ክም እለ ቤለዩ።

- እት ገበዩ እብ ዐድከ ሐለፍኮ፤

- እላቱ። ከእት ገበደከ ዐለው ኢኮን ቤለዩ፤

- ለጋሻይ ህዩ ኣዜመ። እሲትከ ዐምሳት ተ ቤለዩ፤

- ለእናስ ህዩ። ዐቢ እለ። ከበረ ዐለ እዩ ቤለዩ፤

- ለጋሻይ ህዩ። ከወልደት ማሸኣለ ትፈረጀት ቤለዩ፤

- ለእናስ። ከኖሳመ ዐምሳት ምን ተዐሌ ገበያተ እምበል ትወልድ ሚኢኮን ቤለዩ፤

- ህቱ ህዩ። መነቲት ወልደት ቤለዩ፤

- እላቱ። ዋልዳይተ

ክምሰልህ ዐለት ቤለዩ፤

- ለጋሻይ ህዩ። ከረቢ ሰብር ለሀበከ ለኦሮቶም ሸፍዐ ቤለዩ፤

- ሰኒ ረትዑ። ሐለት ክልኢቶም ተኣጠቤ እበ ላተ ህታመ ይዐለት ዲበ ቤለዩ፤

- ላመ ሓርያይ ላተ ዐረዩ ቤለዩ፤

- ከሐቆ ሞት ሐሁ ለእዲነ ሚ ካሪ እተ ዐለ። ኣማኑ ቱ ሰኒ ኬደ ቤለዩ፤

- ለጋሻይ ኣዜመ። ላማ እሞም ሞተት ኢኮን ቤለዩ፤

- ህቱ ህዩ። ሐዘን እትለ ውላደ ወደያተ መስኪነት ቤለዩ፤

- ለጋሻይ ህዩ እብ ኩሉ ክም ተሐለለ ምኑ እት ደንጎቤ፤

- እለ ነብራከ ኣክል ኣዩ ዋዕም ህሌት ቤለዩ፤

- ለእናስ ህዩ። ክም ሰልሁ ምን ገበኣት ቱ ለእብ በደንዬ በለዕኮህ። ወእብ ረቢ ትግበኣኒ ኣጠምጥመከ ምነ ኢመስለኒ ቤለዩ፤

ነፈር ዐለ። ለነፈር ደለ ነብረ ብእተ ኣካን ልትኣንገድ ነበረ። ክምድር ምን ለኣጸብሕ ኣሰክ ለኣመሴ እት ኣዩ ኣካን ህዳይ ህለ። ወእት ኣዩ ሕጻይ ህለ ውበዕድ እት ልብል እት ለኣትናውር ወእት ልትካበር ልውዕል ዐለ። ወዶል ለኣካን ነብረ ብእተ ረክባተ ክማም ጉበእ እተ፤

ሐቲ ኣምዕል ወልዱ ሰኒ ሻፍግ እት እንቱ እት ልሰዴ መጽዩ። ወኣካን ነብረ ክም ረኣ ዶል ኣሰኣለዩ ህቱ ወወልዱ እተ ዐድ እንዴ ጌሰው ኣተው እቱ። በዐለ ዐድ ሰልም እንዴ ከረ። ነፈር ጋሻይ ቀደም እለ ረኢሁ ለኢኮን ኣክለ ረኣ ለዐል ፍገር ይበ ልብሉ ዐለ። ላመ እናስ ምስለ ወልዱ ለዐል ፈግረው። ከዶል ከጀማዕት ሐቲ እት ፈግር እቶም ለቁርፈት ትመለኣት። ሐቆ እለ በዐለ ዐድ ለሰልም እንዴ ሸንክዩ ከለነብረ እግለ እተሐት እተ ምድር ለዐለው

ጋሾታት እት ለዐግለ ኣንበተ። ለእናስ ወምሰሉ ለዐለው ኩሎም እተ ለዓሊት ቤት ሕዩራም እት እንቶም እት ለኣትግህጾ ተርፈው። ጼናታትለ ነብረ ክለ ከብህዩተ መረርቁ ሰበት ጀበ ወንዦቱመ እተ ነብረ ሰኒ ሰበት ኣኬት ሰብር ሰኣነ። እብ መልሃዩ ለኣሰብር ህለ? ሐሰበ ወፈከረ። ሐር እግለ በዐለ ቤት ወለ ጋሾታቱ እት በልዎ እብምለዐል እንዴ ሸበዩ። ክም እለ ቤለ።

የሀ በዐል ዐድ! ለእናስ ህዩ ለዐል እንዴ ኣቅመተዩ። ኣህ ሚ ሐዜከ ቤለዩ፤ ህቱ ህዩ። ሐቲ ምነ ክልኤ ሕሬ። ጤሾ ዐባይ ነብረ እንዴ መለኣከ እበ ፍገር እትነ። ኣውመ እግል ንትከሬ እትኩም ለሰልም ክሬ እግልነ። ወኢኮንተ ትቤ ምን ጉበእ ህዩ ምን እለ ኣካን ውቅል እንዴ ሰረርኮ ሲጋድዩ እግል እሰበር ቱ። ከምነ ቤትከ ጅናዘት እግል ትፍገር ወለህዳይከ እት ፍራሽ እግል ልትበደል ቱ! እት ልብል ኣትፋርህዩ። ሐቆ እለ ለእናስ ክመ እግል ሰረት ልትዳሌ ለህለ እት መሰል ሰርዋኑ ግዱ ለዐል ከማክመዩ ወትሻመክ እለ፤

በዐለ ዐድ ህዩ። ጸነሕ። ምን ፈድለክ ሰብር ወዲ። ኣወዕ ክምሰልህ ትወዲ! ቤለዩ ወሻፍግ እት እንቱ ነብረ ኣፍገረ ዲበም፤ ለነብረ ዶል መጽቶም ክመ እተ ሀዩቢ ምን ኣሕድ ትሻተፈው። ለጀናሁ ህዩ ዶልከ በልዕ ወማይ እት ሰቲ .. በልዕ ወማይ እት ሰቲ። ለነብረ ሐበት እንዴ ኢ'ተርፍ ምነ ክም ትከለሰት ብግራቶም ገበኣው። እተ ዶል ለህይ ... ለእናስ እግለ ወልዱ በይኑ ፍንትት እንዴ ቤለ እቡ ከ'ፈት እበ ኣርመደዩ። እሊ ማይ ለእሉ ትባልስ እትከ ዐልከ እተ ኣካኑ ገሌ ልቀም ሉዉሽ እትከ ምን ተዐሌ ወኢሐሴከ ቤለዩ፤ ለጀናሁ ህዩ እተ ዶሉ። ይበ ለማይ እግለ ነብረ ኣካን ለኣፈይሕ እለ ቤለዩ። ለእናስ ህግያለ ወልዱ እንዴ ኣትዳወረ። ካልኣይት ከፈት ደግመዩ። ወገህ! ከእለ ምን ጉበእ ኣፎ በዲር እትለ በረ እንዴ ሕነ እተ ነብረ እንዴ ኢንትዐገል ይኣሰኣልከኒ ቤለዩ፤

ኮህፍ

ኮህፍ

- ኣወዕከ። እለ ሰንዐት እለ ኣነ “ይእቀድረ” ኢቲበል። እግል እውደየ “ሸንህት ኣለብዬ” በል፤ እሊ ህዩ ሐቲ ሰንዐት እግል ትውዴ ሸንህት ኣውመ ንዩት ሐቆ ብከ። እምበል ሸክ እብ ዐውቲ እግል ተኣትምመ ለከረዐከ ጋር ላቱ ቦታተን ይህለ፤

- ዶልከ እናብዕከ እት ማሰሰ በደል ትነብር። ለሰብብ ለኣናብዕከ ክልዶል ዘሬ እቡ ለህሌከ ጋር እሉ ምስሰ ምንክ ከደሐን ርከብ...!!

- “ለእሉ ትፈቱ” ዶል ከሰርከ ኢትመይት። ምናተ “ሕሸመትከ ከሰርከ” ምን ጉበእ ክም ማይት እት እንተ ትነብር፤

- ዲብ እለ እዲነ እምበል ተዐብ ወሕላሌ ለውቀት ለካፍሉነ ህለው። ወምን እሊ ወኬን እብ ጸጎት ሰርፎ ወእብ ፈርሐትነ ፈርሐ ወእብ ሐዘነ ለሐዝፍ። ወእለ እዲነ ዋዕመ ወመራረ። ወመጺጸተ ወለውቀተ ምስልነ ልትኣምለ። እሎም ሌግ ቶም ለእብ ኣማን ፈክ ሰኔት ለኣውዱ፤

- ኣዳም የም ኣለቡቱ። ምናታ እት ቀበት እሊ ኩሉ ሐዳም ላባም እንረከብ፤

- ክሉ ወድ ሚን ኣደም ዐቅል ምን ለዐሌ እሉ። እዲነ በዲር እት እንቱ ወከርበት፤

- ዐቅል ክልኣት ደርብ ቱ። ለኦሮት ረቢ ለለህይቡ ዐቅል ቱ ወለ ኦሮት ህዩ ምን ተጅሪበት ለልትረከብ፤

- ዓቅል እግል ምክር ሐሳይ ኢልትፈገዕ፤

- ምን ዐቅል ለሐግለ ረኣሰ ማሉ ጀህል ቱ፤

ብዕዳም ለለሐሚ ዲበ ሰንዐት እት ወዴ ለልትረኡ ነፈር። እሊ ለናይ ኣማን ግሉል ቱ፤



18ይ ክፋል

ስ ' መዕ ክልኡት ከበር

ኬትባይ= ዐሊ አቢብ እድሪስ

አብ ሰሚረ፡ ሰሚረ ወትትለገም ወትጽመም እምበል ኢከሰሰ፡ እምበል ዲብ ህዳይ ዐሚመ ሕርያን ብዕድ ክም አለቡ፡ እብሊ ወብዕድ አደር-ፈታሕ እንዴ ልብል እንዴ ኢልትአመሩ እተ እ'ሙ ለዐለ ዐድ ሼክ ዑሰማን፡ ክማም ገብአ፡ ሰላሙ ሐቀለ አትመመ ህዩ “ገሌ ሼክነ ህ'ለ ማሚ?” እት ልብል ትሰአሰ፡ ለክም መሐድራይ ክቡቱ ለዐለ ነፈር፡ አብ ሰሚረ እምበል ሰላም ፋይገት ወራውገት እብ ሸፋግ እብ ሼክ ዑሰማን መትሰአሉ ሸባህ ማሸግ ወእርዱድ እንዴ እንቱ፡ “ሼክ ዑሰማን አባዮም ኢህለው ሱፍራምቶም” ለልብል በሊስ ሀበዩ።

አብ ሰሚረ እብ በሊሱ ምንመ ኢትረይሑ፡ አክል ሕድ እግል ለአተድሌ ሰበት ዐለት እግሉ፡ “እበዩ ሳፈረው፤ ሰአል ደግመዩ እብ ምጭራቱ እንዴ ገንሑ። ለበዐለ ዐድ አብ ሰሚረ፡ እግል ሼክ ዑሰማን ለትከሰስ ጋሪት ሻፍገት ክም ህሌት እግሉ እንዴ ልተህ'ሙ ወዲብ ህግያሁ መትሓፋዝ ትሩድ እንዴ ወዴ፡ ክምሰለ “እብ ሰፈር ሼክ ዑሰማን አሰአልክ ምን ገብእ ኢተሐይሰከ!” ለትበህለ እንዴ መሰል “ሕነ ሚደሌነ ግድም፡ ትሰአልኩን ምኑ ወሳፈረ እምበሊኩም። ምኑ ወኬን አነ ለነአምረ አለብ” አትዐረ እለ ትክፊክ ልብሉ ለሀለ እት መሰል። አብ ሰሚረ አዜመ ይአትካረመ፡ “ወገሌ ሚዶል ለአቀብል ገብእ” ሰለሰ፡ ለአተ ዐድ ለጸንሐ እናስ ዲብ ሞራሁ እንዴ ተንክቤ ለዕቅቡ ለአሮት እት ረአሰለ ብርኩ ሳቅሉ እንዴ እንቱ “ቶቤት እት ወቅት ሻፍግ ለአቀብሉ ኢመሰለኒ” ሸክ ለበይአዩ በሊስ ሀበዩ።

ለዲበ ሸፍር ለጸንሐ እናስ እንዴ አትሉ፡ “ቀደም በል አርሕብቡን ስቲ።” ሐቀለ በሊዩ፡ አብ ሰሚረ ጎማቱ ክለ ጭንጌዕ ፍቶሕ ጋብአት ምኑ እንዴ እንተ “ቀደም ሰነው፡ አነ ምን ቅሩብ አነ ኢትትገለቦ እግልዬ። ወህቶም ህዩ ረቢ እብ ሰላም ልጅመም!” እንዴ ቤለ ነዳይቱ አርአዩክ አሰክ ዐ'ዱ አቅበለ ምኑ። እት ገበዩ ህዩ “ያረቢ አገርም ዲብዬ ሐሰብክ ህሌት! እትሊ ባካት እሊ እምበል ሼክ ዑሰማን ለሳፊ ሼክ ብዕድ ኢልትረከብኩ ያረቢ ሸፈዩ ወምን ዔብ ወዑረት ሰልሚ ሐሰብክ ህሌት!” እንዴ ልብል ወበኑ እንዴ ልተራቀም፡ አሰክ ቤቱ አሳደረ። ዲበ ምን ሼክ እብ ሰራይ እግል ልምጸአ ትትጸበሩ ለዐለት እም ሰሚረ ክም አቅበለ ህዩ፡ ሼክ ዑሰማን ክም ኢጸንሐዩ ማሸግ ዲብ እንቱ አሰአለዩ።

እም ሰሚረ እብ እንክረ በሰረ ቃውዩት እንዴ እንተ “ከአዜ ሚኒዴ” ትቤ ከሰአል ቀደመት ዲቡ ወሐሬ እንዴ ተሐሰብ ዐለት “ከሼክ ሐቆ ኢትረከበ አፎ ዕያደት ይእንገይስ እ'ቤ ወሐሬ ህዩ ለሼክ ምን ሰፈሩ ክም አቅበለ ነአትዛይራቱ” ቲለቲ። አብ ሰሚረ እት ገጹ ወመባልሱ እተ እሲቱ ለሀበቱ ረአይ ለልትቃወም አሻይር እንዴ ለአርኤ “ትጀመሊ እግልኪ ትጀመሊ! ለወለት ዕድረ

ዕድር ሕክመ እንዴ ኢገብእ መሻይክ ለሳርዩ ሕማም ጸብጠ ሀላ። ወሐሬ ህዩ ሐካይም እምበል ጨራቅዖት እብ እበር ወካፈሎት አክያስ ከናይን ሚእግል ሊደው እግሉ ቀድሮ፤ ምን ሐረስ እሊ ለወለት ሐካይም ተአገይስ አለበ” እንዴ ልብል፡ እሲቱ ሰሚት ሐኪም እግል ኢትሰሚ እግሉ ሐዘረዩ።

አብ ሰሚረ ላኪን፡ ሼክ ዑሰማን ኢልጽንሑመ እንዲኢኮን፡ ህቱቱ ወኢህ'ለ እንዴ ቤለ እግል ልትገሌ ሰበት ኢሐዜ፡ ገሌ ሰብ ሳራማሪ ረክበ ምን ገብእ እንዴ ቤሉ፡ አሰክ ሱግ ትክረ። ምናተ እት ግራሁ፡ እም ሰሚረ ወሐናን፡ ዕያደት እግል ሊጊስ እ'በ አተፈቀዩክ አሰክ እስብዳልዩት ትብገሰያበ። እተ እስብዳልዩት ክም በጽሐዩ ህዩ፡ ዲብ አካን ራድኢት ሻፍገት እንዴ መጽአያቤ ለጸንሐዩን ሙመርድ፡ ሐብሬ እም ሰሚረ ወሐናን ሐቀለ ሰምዐ፡ ከርት እግል ለአፍግረ እግሉ ክም ሐበረዩን፡ ክምሰለ እለ ቤለዩን እተ አካንለ አክሩት ጌሰዩ ወከርት እንዴ አፍገረዩ አቅበለያሁ።

ለሙመርድ ሰሚረ ወከርተ እንዴ ነስአ አሰክ ሐኪም ዐቅል ጌሳበኩ፡ ለተዋልል ምን ሰልፋ አሰክ ደንጎባሁ ዳገመዩ እግሉኩ ዶክቶር ሓምድ ወሰሚረ ምስል እንዴ ሐድገዮም ፈግረ ምናም። ዶክቶር ሓምድ እግሉ ዲብ ቀበትለ ሓምበላይ ጭገሩ ሳቀ ለዐለ 2 ዲግሪ ለሐሊተ ዝረቱ እት ቀደምለ ፈጃጂን ለመሰል ዕንታቱ ኩቡብ ከረያክ እግል ሰሚረ “ሰሚረ፡ ምሽክለትኪ ሚተ፤” ቤለዩ ህቱመ ገሌታይ ታርፍ ምናም እግል ኢሊህሌ እግል ልትአከድ ዲብ ልትሰአል። ምናተ ሰሚረ እትሊ ወቅት እሊ እግል ትትሃጌ ሰበት ኢትቀድር፡ ዲብ አካን እንዴ ገብአት ትትሃጌ ወሓለተ ለትሸፊሕ እ'መ ሰበት ዐለት፡ አዜመ እም ሰሚረ፡ ለምሽክለት ክምሰለ እግሉ ሙመርድ ለቴሉ ሓኪተ እግሉ። እለ ዶል እለ ዶክቶር ሓምድ፡ ደለ እም ሰሚረ ለቴለ ዲበ ከርት እግል ልክተብ ለምን ጅንሰ ቢክ ሳቱ ገለሙ እት ረአሰለ ፋይል ሰሚረ ምን ቅሩብ ወታወተዩ። ገሌታይ ሐቆ ከትብ ህዩ፡ “አዜ ለሕጻን ለእግሉ ትፈቱ ለዐለት ወማሌ ምሴት ከበር ምጽአቱ እንዴ ሰምዐት ክእኒ ለገብአት እተዩ ህ'ለ፤ እግል ተአምጽእው ምን ትቀድሮ ፈጅር ምስልኩም ምን ተአምጽእው ወሰዴነ ዐለ” ቤለዩን ወሰሚረ፡ እተ ሐማይም ለረግዶ ዲቡ ዐምበር አንሳት ዐራት እግል ለአጽቡጤ ወለ ሐካይም ህዩ ምን ቅሩብ ሓለተ እግል ልታብዖ ክምቶም ሐበረዩን። ሐናን ምስል ሰሚረ ተርፈት ወእም ሰሚረ አሰክ ቤተ አቅበለት። እት ቤት ሐቆ መጽአት ህዩ፡ ዲበ እስብዳልዩት እግል ልትነፈዐ እ'ቡ ለቀድረ አግርበት ወለቡበስ አደሐን ወላሊ እንዴ ከማከመት፡ እት ወለተ እግል ተአቅብል ወዑመር ህዩ ፈጅር እተ እስብዳልዩት እግል ልምጸአም

ክምቡ፡ እግል ሳልሕ ወልደ እንዴ ትትፋቱ፡ አብ ሰሚረ እበ ባብ ገድገደ ዲቦም።

ሰሚረ፡ እምበል እጃዘት አብ ሰሚረ ጋይሳት እበ ምንመ ዐለዩ፡ እትሊ ወቅት እሊ እግል ትሰተር ምኑ ሰበት ኢትቀድር፡ እንዴ ትፈርህ ምኑ እግል ተአስእሉ አሰኩ ቀንጸት።

ምን ቅሩብ ክምሰል መጽአቱ ህዩ፡ አብ ሰሚረ እንዴ በድረዩ፡ “አህ ለወለት ከአፎ ህሌት” ቤለዩ እት ቤት ለህሌት እንዴ መሰለቲ። እም ሰሚረ ግድም ሐር-ሐር ክም ኢትካርጅ ሰበት ተአከደት፡ “ወለት ዕያደት ግሰናበ ወለ ሐካይም ህዩ አተክረረወ” ህግያህ እንዴ ኢትክልስ “አብ ከፊርኪ ዴርቢ በርከት ረቢ ወነቢ! አነ አሰክ ሐካይም ወስ ኢቲበሊበ ይእቤለኪ፤ ወለ እንቲ ቀይድ ወጎማት ለአሰብኪ ዐሌኪፍኪ ለትገይሲ እሲት ጥልቅት እንቲ፤” ለከመዶር ብሹል ለመሰል ዕንታቱ አተፋዘዘ ዲቤ። አብ ሰሚረ ሸፍገ እንዲኢኮን ለከበር ለሕውዝ ሐር ዐለ። እም ሰሚረ-መ፡ አርወሐተ ረቢ እንዴ ሀበተ እንዴ ወሰከት “እምበሊሁመ፡ ለማሌ ምሴት ለመጽአ ወከበር ምጽአቱ ሐቆ ሰምዐት ክእነ ጋብአት እ'ቡ ለህሌት ዑመር ፈጅር ምስልኩም አምጽእው ቤለው” ምነ መጋይሰለ እስብዳልዩት ለትኬለመ ወመርዘን አብ ሰሚረ ለለሀርስ ከበር አሰመዐቲ። አብ ሰሚረ ምን መናወዩት ዲብ ዑመር ዝያድ ክልኤ ሰነት ዑሩፍ ዐለ።

እትሊ ወክድ እሊ አብ ሰሚረ፡ ለበዲር እብ ሰብብ ሻምም እግል ልቅተሉ ለአትጋውል ወነዌ ዲቡ ለዐለ ዑመር፡ እት ገጽ-ገጽ ትካዩለ እግሉ። ህቱመ እብ ሐሩቀት ለእግሉ ልብል ወለእግሉ ለሐድግ እንዴ በዴት ምኑ፡ እግል ዶሉ ህቱመ እብ ተረቱ አፋሁ ትለገመ ወህግዩ ሕድ እንዴ ከርዐት ዲቡ ወትአ። ለወለት አጊድ ቤተ ብሌስ እግል ኢሊበለ ዲብ እስብዳልዩት አቲት፡ ወእግል ኢልእዘም ምነ ህዩ ህተ እንዴ አኬት ዲቡ፡ ለናይ ማሌ አከይ-መዋዲቱ ወበህሉ ሰበት ለአምር እንዴ ልተዐስ እግል ዑመር፡ ዑመር ደሐን መጽአክ ወአሰናይ ምነ እሳት ተረፍከ! ማሌ ምሴት ሰሚረ ወለትነ ለከበር ምጽአትክ ክም ሰምዐት አፋህ ትለገመ ምነ ትነጃ ወተዐዴ! ወአነ ህዩ አዜ እግልክ እንዴ ሐዜ ማጽእ ህሌት። ለሐካይም አምጽእው ቤለው ግድም ደሐን ሰሚረ ዲብ እዴክ ወዲብ እዴ ረቢ ህሌት” እንዴ ቤለዩ ዲብ አብረኩ እንዴ ወድቅ እግሉ ወእ'በ ናይ በዲር መዋዲቱ እንዴ ተዐስ ምን ዑመር ዐፎ ዲብ ጠልብ ወዑመር እንዴ ለአቤ እግሉ ትካዩለ እግሉ። አብ ሰሚረ ምነ አዚመ ክም ንፋዝ አፋሁ እንዴ ፈትሑ።

“ዑመር እግል ሰሚረ ሚ እግል ሊዴ እግሉ ለሐዝዩ ህ'ለ ለሐኪም የሀይ፤ አዜ ህዩ ለናይ በዲር ክርበትነ እንዴ ኢትከፊኑ አነ እብ ሐያቹ

ወእንቲ ክፍእት ወለትከፍአ እግል ንትዋዴቱ! አነ እብ አርወሐቹ እንዴ ህሌት ዶልክ እብ ሰብብኪ ወሰብብ ወለትኪ እግል እትዐዘብ ኢኮን። በስ ለወለት ክምሰለ እግሉ ግሰኪበ እብ ሸፋግ እትለ ኢአምጸአክዩ ምን ገብእ አነ ወእንቲ እግል ንትረኤቱ!” እንዴ ቤለ አትሐጨረ ዲቤ። “ደሐንቲ እንቱምዲ ለህሌት እት ቀደሚነ ህሌት” እንዴ ቴለቲ። ለአሰክ እስብዳልዩት ለለአበጼሕ ሻሬዕ ጸብጠት ከአሰክ እስብዳልዩት ትበገሰት።

ትተላሌ.....

ውላድ ዎሮ ምሕል

እት ሸዌደን፡ ኢጣልዩ፡ ኣውስትራልዩ ለነብሮ መዋጥኒን፡ ውሕደቶም እንዴ አደቀብው፡ እግል ሰርገል ከም ከድሞ ዲበ ሰርገለው ወራታት ዲፕሎማሰዩት ሸርሐው።

አብ አሳሰለ በጽሐተን ሐብሬ፡ ኤረትሮፔን ሰካን ስቶክሆልም ወድዋረ፡ ዲብ አደቀቦት በርናምጃት መዳፍዐት፡ ፋዓልዩት እግል መሳልሕ ወጠን ለሀደፋ ኤታኖም ወዋጅቦም ከም መዋጥኒን እተ ለረከዘ እጅትማዕ ዲብ ዮም 1 ማዩ ሰርገለው።

ርኢስ ለጅነት መዳፍዐት ስቶክሆልም አሰይድ ዘርአም በራኺ ዲበ አሰምዐዩ ከሊመት፡ ዲብ ስቶክሆልም ወድዋረ ለህለው መዋጥኒን፡ ዲብ ሰርገል በርናምጃት ወጠን ወመዳፍዐት ወአርአዮት ናይ አማን ሱረት ኤረትሮፔ ለወደው ጅህድ እንዴ ሐመድ፡ እሊ እበ ትደቀበ መትካም እግል ልዕቤ ከም ልትከደም አከደ።

ምን ሰፋረት ኤረትሮፔ ዲብ ሸዌደን አሰይድ ሲራክ ባህልቢ እብ ጀሀቲ፡ ዐዳዋት ለኢሊአትካርም ውሓባሩ ለባድል ክም ቱ እንዴ ሐበረ፡ እሊ ህዩ እብ ፈሃዐት በሊስ እግል ልትህዩብ እቲ ክም ለአትሐዜ አፍሀመ።

እሊ ክእነ ዲብ እንቲ፡ ማሕበር ወጠን አዋልድ አንሳት ኤረትሮፔ ፈርዕ ሸዌደን፡ ወካል 13 አፍረዐት ዲበ ሐድያሁ 3ይ ሙእተመሩ ዲብ መዲነት እሩብሩ ሰርገለ።

እተ ሙእተመር፡ ተቃሪር ወራታትለ ፈርዕ ልትቀደም ዲብ ሀለ ሕርያን ጀሀት መመቅረሓይ ገብአ።

እብ ጀሀት ብዕደት፡ ልጅነት እዕላም ወዲፕሎማሰዩት ኤረትሮፔን ዲብ ኢጣልዩ ዲብ ዮም 29 ኣብሪል 3ይ ሙእተመረ ሰርገለት።

መስሉል ቅደይ ጃልዮት ወሽዑብ አሰይድ ግርማይ ሃብተሚካኤል ዲበ አሰምዐዩ ከሊመት፡ ልጅነት እዕላም ወዲፕሎማሰዩት፡ ወራታት ኤረትሮፔን መትካም ዲብ ቀደሞት ናይ አማን ሱረት ወጠን ትወድዩ ለህሌት ዶር እንዴ ሐመድ፡ ወራታተ እግል አደቀቦት እብል ትፈናተ ለተህዩበ 6,400 ዩሮ ትሰለመ።

እት ደንጎቤ መትካም ወጠን እንዴ ወክለት ለትፈናተ በርናምጃት ዲብሎማሰዩት ሸዑብ ለትሻርክ 10 አንፋር ለበ ልጅነት ተሐፊት።


እምበል እሊ፡ መሳሉል ቅደይ ጃልዮት ወሽዑብ አሰይድ ግርማይ ሃብተሚካኤል፡ ዲብ ዮም 30 ኣብሪል እግል ኤረትሮፔን ሰካን ጅኖዋ፡ ዲብ ሓድረለት ሓለት ወጠን ወዶር ዲብ ካርጅ ለነብሮ መዋጥኒን እት አደቀቦት በራምጅ መዳፍዐት ሰሚናር ወደ።

እሊ ክእነ ዲብ እንቲ፡ ዲበ አምዕል ለሀ፡ አንፋር ማሕበር ወጠን አዋልድ አንሳት ኤረትሮፔ ፈርዕ ቦለንዩ፡ ዲበ አርትዖት ወራታቱ ወአተረዶት ወመተካሙ ህድግ ሐቆ ወደ፡ መትካሙ እግል አተረዶት እግል ልትከደም መትፋቀዲ ትቀደመ።

እብ ጀሀት ብዕደት፡ ቁንሰል ዓም ደውለት ኤረትሮፔ ዲብ ኣውስትራልዩ ወኒውዛላንድ አሰይድ መሓሪ ተከሰቲ፡ እግል ኤረትሮፔን ሰካን አደላይድ፡ ዲብ ሓድረት ሓለት ወሄራር በርናምጃት ዐማር ወመዳፍዐት ለረከዘ ሰሚናር ከም ወደ ምነ አካን ለበጽሐተነ ሐብሬ አፍሀመት።

“ውሕደት ወውፋቅ ሸዑብ አግደ ዓምል ዐውቲ ቱ” እንዴ ቤለ አሰይድ መሓሪ፡ እሊ ሰዋልፍ ቃሊ እሊ ዲብ ልትወረስ እግል ለአተላሌ ሰበት ቡ፡ ዓይላት ጅህደን እግል ልዓብዩ ከም ወጅብ ሸርሐ።





ዳንኤል ተክሌሃይማኖ እት ሰገይድ ኢጣልያ ቀድሩ ትሰክነ



እግል ሰልፍ ዶሉ እት ጅግረ ቱር ዴፍራንስ እት ሰነት 2015 ለቫረክ መትባድራይ ዐጀላት ፈሪቅ ዳይመንሽን ዳተ ዳንኤል ተክሌሃይማኖት እት ታሪክ ዐጀላት አፍሪቀ ሰጁል ለኢለአምር ታሪክ እግሉ አሳስ ለከረ ሻብ ቱ።

እሊ እት ዝያድ 85 ሰነት ታሪክ አምር ዐጀላት ክም በ ለልትሽረሕ እግል ኤረትርዮ ለፈረ ዳንኤል እተ እመር ጅግረ ቱር ዴፍራንስ ሐዩት ስጋደት ለትትሆዩብ

ፍሌንዩት እግል 4 አምዕል እት መቅጠት እንዴ ሐጠጠ እብ አጽንሖቱ ለሳልፋይ ምን አፍሪቀ ወድዩ እት መጽል ዐጀላት እዲነ።

እሊ ለምስል ታሪክ እንዴ ጸብጠ ህዩ ግረ ክልኤ ሰነት ለእት ኤረትርዮ አምር ወለመድ ዐጀላት እንዴ ሐድገት ለፈግረት ጥልያን እተ እንዴ ተዐደ እት ክል ሰነት ለገብእ ጅግራ ዐጀላት በሀለት እት ጂ ሮ ዲ ኢጣልያ እግል ልቫርክ ምስል ፈሪቁ እተ ዐድ ገገአ።

እሊ ጅግረ እሊ ዮም ዓመት እግል 100 ሰነቱ ገብእ ሰበት ህለ ወምስል ቱር ዴ ፍራንስ ለልትመሳሰል ደረጃት ለቡ ጅግረ እቱ ሻርክ ለህለ ወዐውቱታ ልሰርጌ ለህለ ቱ።

አሰክ እሊ እበ ገብእ 3 መራሕል ለከምከመ ጅግራታት ዳንኤል ዝያድ ብዕዳም መትጃግረት እንዴ ደምቀ እብ 20 ንቅጠት ሐዩት ስጋደት ጋብእ ህለ።

እተ ጅግረ ሻርክ ለህለ ብዕድ ኤረትርዮይ መትጃግራይ ዐጀላት ፈሪቅ ዳይመንሽን ዳተ ናትናኤል እብ ደቂቀት ወ12ካልኢት ምነ አወለይ ለፈግረ እንዴ ተአከረ እት 47 ደረጃት ልትረከብ።

እብ ደረጃት ፍረቅ ህዩ እግል 2ይ ዶሉ ሻርክ ለህለ ፈሪቅ ዳይመንሽን ዳታ ምነ እት ሚርሒትለ ጅግረ ለህለ ፈሪቅ ኩክ ስቴፕ እብ 12 ካልኢት እንዴ ተአከረ እት 13ይት ደረጃት ልትረከብ ህለ።

ፕሪመርሊግ እንግሊዝ

ፈሪቅ አርሰናል እግል ፈሪቅ ማን ዩናይትድ አድመዐ እተ ሐልፊነ ለገብእ ጅግራታት ፕሪመርሊግ እንግሊዝ ፈሪቅ ጅልሲ እግል ፈሪቅ ሚድልስበርግ ሰለስ እብ 0 እንዴ ቀልበ አሰክ መንገአት ዐውቱ ካስ ፕሪመርሊግ ለአተቃብል እት ህለ። ፈሪቅ ሊቨርፑል፡ አርሰናል ወማን ዩናይትድ እተ ሳልፋይም ለአርበዕ እግል ለህልዩ ለወድያሁ ጅግረ ሰኒ ወአማን ስሕባይ ዐለ።

ምን ክሎም እት ደረጃት ሰኔት ለልትረከብ ፈሪቅ ሊቨርፑል እተ ሐልፊተነ ሰንበት ንኢሽ ፡ለወደዩ ትልህዩ ሰበት ተግደለ ሰለስ ንቅጠት ሰበት ኢረክበ ምነ ዐለ እተ ደረጃት ግረ እግል ኢለአቅብል እፍሩህ ህለ።

እት ፍንጌ ዱድቁባም መደርቢን ወፍረቅ ለገብእ ጅግረ ፈሪቅ አርሰናል ወማን ዩናይትድ ላኪን ዝያድ ክሉ ብዝሓም ለአትህደገ ጅግረ ጋብእ ዐለ።

እግልሚ እሊ ጅግረ እሊ እግል መደርቢት ሞሪኖ ወሽንገር ለአትረከበ



ክም መደርቢን ወመትግዮት እበ ዎሮ ወእበ ካልእ ህዩ ሕሩዶም ወቃልያም መትጃግረት ኩረት እግር እንግሊዝ ለከምክም ፍረቅ ሰበት ዐላቱ።

እለ ትልህዩ እለ እሊ ወብዕድ እህትማማት እንዴ ጸብጠት ለአንበተት ትልህዩ ሰኒ ድቅብት ሰበት ዐለት፡ ናይ ተሐዘር አክራናት ትረክ እተ። እት አክር ህዩ፡ ፈሪቅ አርሰናል እግል ፈሪቅ ማን ዩናይትድ 2 እብ 0 እንዴ ቀልበ ሰለስ ንቅጠ ነዘዐ ምነ።

ፈሪቅ አርሰናል እተ ገብእ ህለ ሐርብ እት ራብዕ ደረጃት አትመሞት፡ እብሊ ጅግረ እለ ሰአዩት ለረክበ መስል።

መአሰሰት አፍሪቶት መሻቀዩታት ርያደት ናይክ

መአሰሰት አፍሪቶት መሻቀዩታት ርያደት ናይክ “Breaking 2 ለሰሜቱ መሸሮዕ እንዴ አፍገረት ከድም ጸንሐት።

እለ መአሰሰት እለ እግለ መሸሮዕ ተአፈግር እት ህሌት ለአግደ ሀደፈ ጅግረ መራቶን እብ ተሓት 2 ሳዐት ወክድ ክም ተምም እግል አከዶቱ ለዐለ።

አሰክ እለ እብ ያፍ ጽቡጥ ለህለ ለትወቀለ ቅያስ ማራቶን 2 ሳዐት 2 ደቂቀት ወ57 ካልኢት ለሸፍገ ወክድ እት ታሪክ መራቶን እንዴ ትበህለ ሰጁል ለህላቱ።

እሊ ቅያስ እሊ እብ ወድ ኬንዩ አትሌት ዳኒስ ኪሚዮ እት ሰነት 2014 እት በርሊን ለትሰጀላቱ።ሀደፍ እሊ መሸሮዕ ህዩ፡ እሊ ቅያስ እሊ እግል ልስበር እንዴ ትበህለ እብ መአሰሰት መፍርዮይት መሻቀዩታት ርያደት ናይክ ብገሰ ዐለ።

ለመአሰሰት እሊ መሸሮዕ እሊ እግሉ ለገብእ አትሌታት እግል ትሕሬ እት ምልእት እዲነ ለህለው 42 አትሌታት እብ ተሓት 2 ሳዐት እግል ለአትመም ቀድሮ ለቴሎም እት ሕርዮት ብግስት ዐለት።

እብ አሳስ እሊ ህዩ ለመአሰሰት እግል ትመውሎም ለትቀድር አትሌታት እት ዌብ ሳይተ ካርዮቶም ዐለት።

ምን እሎም አትሌታት እሎም ህዩ ሰለስ እግል ሀደፍ ለዘብጦ እግ ለ አትሌታት እብ ብዝሓም

ምኤምረት እንዴ ተሌት ሐፊት። ለትሐረው ሰለስ አትሌታት ሰሜት ወሪከርድ ሰኒ ለህለ እግሎም ዐለው። ምን ኤረትርዮ አትሌት ዘርኤ ሰናይ ታደሴ፡ ምን አቶብዩ አትሌት ሌሊሳ ፌሊሰን ወምን ኬንዩ ህዩ አትሌት ኤሊዩድ ኬፕቾንን ቶም ለዐለው።

እት ጅግረ አሎምፒክስ ሰነት 2004 እት ቤጂን መዳልዮት ነሐስ ለረክበ ዘርኤ-ሰናይ ለሐሰ ወክድ ሰር መራቶን ዐለምመ ለጸብጣቱ። ወድ ኬንዩ አትሌት ኤሊዩድ ኬፕቾን ህዩ ለሐልፈት ሰነት መራቶን ለንደን እቱ ለትዐወተ አትሌት ቱ።

ወድ አቶብዩ አትሌት ሌሊሳ ህዩ እንዴ ቅድም ቤለ መራቶን ቦስተን እቱ ለትዐወተ አትሌት ቱ። እሎም ቶም እግል ዱሉይ እግሎም ለዐለ ናይ 42 ኪሎ ምትር ሪም እብ 1:59:59 እግል ለአትመሙ ለትሐረው።

እሊ መሸሮዕ እሊ እት ከረም ሰነት 2014 አንበተ ሐቅ 2 ሰነት ሕፍዝ ትሩድ ገብእ እግሉ እንዴ ጸንሐ ለእግል ክልኤ ሰነት ለገብእ በሐስ እተ ሐልፈተነ ሰንበት ንኢሽ ፍገራቱ እብሎም እት ለዐል ለሰሜናህም አትሌታት እግል ልትርኤ እት መዓል ወዐለ።

እሊ ለትበህለ እግል ልግበእ ገብእ ምንገብእ ክል አትሌት እት ክል ማይል ቀደም እለ ምነ ትሰጀለ

ወክድ እብ ሰበት ካልኢት እግል ለአንቅስ ምኑ ዐለ እግሉ፡ እሊ ህዩ እግል እሎም አትሌታት እሎም ሰኒ ወአማን ሰዱድ ክምቱ ብዝሓም እትሊ መጽል እሊ ለከድሞ ሰብ መቅደረት ሻርሓም ዐለው።

መአሰሰት ናይክ ወእሎም ሰለስ አትሌታት እሎም ላኪን እሊ ክም ልትቀደር እግል ሰብዕ ወርሕ ለገብእ እት ሽቅል ትሩድ ክስኣም ዐለው።

ደክቶር ማይክል ጆይኔር እት መጽል አትሌቲክስ በሐስ ለወዴ እመር ዓልምቱ፡ ህቱ ጅግራታት መራቶን እት 80ታት ወ90ታት እብ ተሓት ክልኤ ሳዐት ለነሰእ ዘበን እግል ልትመም ክም ቀድር እት መጀለት ካትብ ዐለ።

አሰክ እለ እበ ልትርኤ ለህለ ጅግራታት ጅግረ መራቶን እብ ክልኤ ሳዐት ወሐቱ ደቂቀት እግል ልትመም ምንመ ቀድር እሎም



አትሌታት እሎም ተሓት ክልኤ ሳዐት አትመመዉ ምንገብእ እት እንበ እንዴ ፈገርት ብህልኩም ዐልኮመ እንዴ እቤ እግል እትወጪጭ ቱ ብህል ዐለ ቀደምለ ጅግረ።

እሎም አትሌታት ለመሸሮዕ እግል ለዐውቶ ገብአው ምንገብእ፡ ምነ ናይ በዲር እብ 2.5% ወክድ እግል ልሸፈን ዐለት እግሎም፡ እሊ ህዩ ሐድ ሰለስ ደቂቀት እግል ልስዐው ዐለት እግሎም።

እሊ እግል ብዝሓም እትፍኩር ለዐለ መሸሮዕ እግል ልትዐወት መአሰሰት ናይክ አስእኖታት ፍንቱይ ምን ካርቦን ፋይበር እንዴ አትዳሌት እግሎም ቱ እግል ትጋብሁ ሓርዮት ለዐለት።

እሊ አስእኖታት እሊ ህዩ አትሌታት ምን መትከምታት አስዑድ ክምስልሁመ ለልአበድዉ ጣቀት እግል ዕቅበት ለሰዴ እንዴ

ገብአት ለትዳላቱ።


እግል እሊ ጅግረ እሊ ሰዴ ለትበህለ ድዋር እት ቅብለት ኢጣልያ ለልትረከብ አውቶድሮሞ ናሰዮናሰሌ ሞንሳ ለትበህለ መስዐዩ እቱ ገብአ።

እሊ መስዐዩ እሊ ህዩ እግል አትሌታት ለሐስ ድዋር ለልትሐዘ ህለ ወክድ እግል ልስጅሎ ለቀድሮ እቱ እንዴ ትበህለ ለትሐረ ዐለ።

እትሊ ጅግረ እሊ ክም መትሻፍገት እንዴ ትበህለው ለትዳለው አትሌታት ዐለው እግል ሕዱድ ወክድ እንዴ ሰዐው ብዕዳም ለልትከቦቶም ወህቶም ለልዓርፎ፡ እሎም ህዩ ምን ኤረትርዮ፡ አቶብዩ፡ ኬንዩ ወብዕድ ለመጸው ዐለው።

ጅግረ ተአንበተ፡ ወድ አቶብዩ አትሌት ላሌሳ ሐቀ 51 ደቂቀት ምነ ጅግረ እግል ልትአክር አንበተ፡ ግራሁ አትሌት ዘርኤ ሰናይ ታደሴ ምነ መትሻፍገይት ሳልፈይት መጅመባት እግል ልትመልሐሞ አንበተ፡ ምነ እግል ልትረፍ ኢቀድረ፡ እት አክር ላኪን ለጅግረ እብክእነ ተምመ።

ወድ ኬንዩ አትሌት ኪፕቾን እብ 2 ሳዐት ወ24 ካልኢት፡ ኤረትርዮይ አትሌት ዘርኤ ሰናይ ታደሴ እብ 2 ሳዐት 6 ደቂቀት ወ51 ካልኢት ወሌሊሳ ህዩ እብ 2 ሳዐት ወ14 ደቂቀት አትመመዉ እብሊ ህዩ ለመአሰሰት ሀደፈ እንዴ ኢትዘብት ተርፈት።



ለኢትፊትሐ መሳእል

ሎርድ ጆርጅ መኮንዚ እት ወክድ መልክ ቻርለስ 2ይ መሰኡል ናይላ እት ስኮትላንድ ለዐለ ሐብስ ዐለ። እት ሰነት 1679 ሸዑ ስኮትላንድ እግል እብ መልክ ቻርለስ ለቀርቦ ሐዲስ ይማም ደያነት ሰበት ኢትክበተ ድዱ ሰውረት ቀንጸት። ለመልክ ህዩ 18 አልፍ አሲሪን እተ ፋይሕ ሐብስ አተዮም፤ እትሊ ሰጅን እሊ ህዩ እብ ጆርጅ ወመሻቂቱ ብዙሕ ጀራይም ጀረ እቶም። ብዝሓም ምኖም ሰበት ሞተው ህዩ 11 አልፍ ለጉብኦ እት መቅበረት መዲነት ኪርክ ትቀበረው።

ሎርድ ጆርጅ ማኬንዚመ ክም ሞተ ምነ ህቱ ለቀትለዮም አብርሃኦ ሐድ አምታር እንዴ ፊመ እብ ነያረት እት መቅበረት መልክለ ዐድ ትቀበረ።

ቀብሩ እበ መርባቶም እግል ለአቅሰኖ ለልሐዙ ስኮትላንድዩን እግል ኢልትሐፊር እብ ፍንቲት ገበይ ክም ልትነደቅ ጋብእ ዐለ።

ምናተ ዲደባንለ መቅበረት እብ ትሉሉይ ትመጽእ ለዐለት ሐብሬ ክምሰል ትወድሐ ምነ ጆርጅ ቅቡር እቱ ለዐለ ቀብር መውዲታት ልትሰመዕ ክም ዐላቱ እግል መስኡሊኑ ልሐብር ለዐለ። ለልትአየስ እቡ ሰበት ሰኣነ ህዩ እት አክር ለዴደባን

ተዐየነ። ግራሁ ለመጸው ሰለስ ቀፊርለ መቅበረትመ አስር ሕድ ተዐየነው።

ሐቆ እሊ ለመቅበረት ለልዐቅበ ትሰኣነ፤ ምስል ወክድ ህዩ ቅሳት ሎርድ ጆርጅ ትረሰዐት።

እት ሰነት 1998 ዎርት እት አፍዳግ ለነብር ነፈር እተ መቅበረት እንዴ አተ እተ ጆርጅ ለትቀበረ እተ አካን እግል ልትመዩ ሰተተ። አመተ ኢተአመረት፤ እግል እርአየን ለኢቀደርኮ እደይ እንዴ ተረደ ጸብመዶኒ ወምሰል ብነ እግል ለአዳግሻኒ አንበተዩ። እት አክር ህዩ እብ ሐለት ምነ መቅበረት እንዴ ለክፈዶኒ እተ ባብለ መቅበረት ክም እመልጭ ወደዶኒ እንዴ ቤለ ሸክወት ቅዱም ዐለ።

አንፋር ፖሊስ ስኮትላንድ እግል እለ ቅሳትለ ኔብራይ አፍዱግ እህትማም እንዴ ኢለህዩበ ክም ጸንሐው ብዙሕ ጥርዓናት እግል ልምጽኦም ቀድረ፤ ምስል ዘበን ዝያድ 500 ነፈር ህዩ እበ መጦርለ መቅበረት ዶል ነሐልፍ እበ ኢልትርኤ ነፈር እት አርወሐትነ መደረት ጀሬት ልብሎ ዐለው።

እሊ ሸክዋት እሊ ህዩ ለበዐል አከይ ውዳይ ቀብር ጆርጅ እንዴ ትበህለ ትሰጀለ።

አንፋር ቀቢለት ውደቢ እት ባዶብ ኔጀር

ምስለ ሲዕ ወሬሕ ቅጥረት ማይ ለኢትትሪክብ እቱ አምዕል እብ ሐፋነቱ ለቀሌ ወላሊ እበ ቅርሲሱ አርወሐት ለነሰእ ባዶብ ምስሉ እንዴ ትመሳነው እብ ርዕዮ ለነብሮ ቶም አንፋር ቀቢለት ውደቢ።

ከረም ሰዐር እንዴ በቅለ ሓሆም ሰበት ትትረሸድ እግሎም ውደቢ ክልኦት ገጽ ለበ ሐያት ልሓልፎ፤ ሐያት ፈርሐት ወሐያት ሐዘን።

እት ለበዝሐት ህግያሆም ሞንያል ልብሎ። እለ ከሊመት እለ ከህላት ትተርጀም እብ ህግያሆም።

እምበል እሊመ ተናን ለልኦቤ እሳት ኢለአሳውር እት ልብሎ ሐያቶም እግል ልሳይሮ ምነ ሰድዮም ቱ።

ተብዕን ቀቢለት ውደቢ አስቡሕ እንዴ ቀንጸው ገጸም ወእዴዮም ለሐጽቦ ግራሁ እግለ እት ቀደም አለቢሆም ኡስርት ለትመዩት ሓሆም እብ ዕንቶም እንዴ ገንሐወን እሳት እንዴ አቅረሐው ሻሂ ለአፈልሐ።

ለሻሂ ምስል አንሶም ወውላዶም እግል ልስተዉ ለሀሩሶም። እብሊ ህዩ ምን ድማነይት እዴሆም ለኢትትፈንተዮም ሸንጦት ጅልድ እንዴ ፈትሐው ስከር እንዴ አፍገረው እተ ሸዋሂ ወዱ እግሎም። ለእም ህዩ ምነ ሐ ሐሊብ እንዴ ሐልቦት ውላደ ተኣሰቴ።

አንሳት ቀቢለት ውደቢ ታምም ሕቁቅ በን። ለእብ ዕምር ዕቢ ለቤለዩ እማት፤ ለዓላይ ክፈል ገሮብ ልባስ ኢለብሰ። ዐስር ሰነት ለወደ ጅነ ላኪን እብ ሓባር ለደምቀ ወእብ ሰደፍ ብዙሕ ለትጸበጠ ክሉ ገሮብ ለልኦለብስ ልባስ ልትዳሌ እግሉ።

ወለት ፡17 ሰነት ዶል ትበጽሕ እግል ልህደወ ምነ መጸው ሸባን ለረይሐ እንዴ ሐፊት ጼወ ትወዴ።

እትለ ቀቢለት እለ መናሰበት ህዳይ ለቀለት ወብዙሕ ማል ለኢፈግር እግለ መናሰበት ተ።

ለመርዓት ላኪን ዶል ትትበከር መናሰበት ዐባይ ትጉብእ እግለ።

ዐምሳት 5ይ ወርሐ ድል ትበጽሕ እት ዐደ እንዴ አቅበለት፤ አስክ ትትሓረስ ዲቡ ትጸኔሕ። ለውላደ ህዩ 2 ሰነት ክም አዶረ

እት ሰነት 200 ዎርት ማርሓይ ደያነት እግል እሊ ውዳይ እሊ እግል አብዋሩ ቱ እንዴ ቤለ እተ መቅበረት አተ። ምናተ እንዴ ኢጸንሕ እብ ሰዐይ ምነ መቅበረት ፈግረ። ሚ ገብኦክ ምን ቤለዉ ለክርንለ መቅበረት እግል እክህለ ኢቀደርኮ ቤለዮም። ሐቆ ሳልስ አምዕል ህዩ እንዴ ሞተ ጸንሐ። ለእግል እሊ አሕዳስ እሊ እግል ልመርምረ ምስዳራት ለነሰአዩ መራክዝ ብሐሳት፤ እበ ኢተአመረ ሰበብ እብ እሳት ነደዩ።

ብዝሓም አንፋር እሊ ለእት ፍንጌ ጆርጅ ወህቱ ለቀትለዮም አብርእዩ ቀንጽ ለህለ በኣሱቱ እሊ ክእነ ወዴ ለህለ ልብሎ።

እዳረት መዲነት አድንቤራ አስክ እመር ሕሉል ኢትረከበ እግለ መቅበረት እብ ብነእ እንዴ ከበቱ ደገን እትለ መቅበረት እለ ኢትቅረቦ ለልብል ክቱብ ካትማም እቱ ህለው።

እምበል እሊመ እለ ጋሪት እለ ሕሉል እንባስር እግለ ለልብሎ ሰብ መቅደረት ምን ለህሉ እግል ልምጽኦ እብ አሳስለ እዳረትለ መዲነት ለአቅረበቱ ጠለብ ብዝሓም እንዴ መጸው ብሐሳቶም ወዱ ህለው። ምናተ አስክ አዜ፤ እለ ጋሪት እለ ምስጢር እት እንተ ትነብር ህሌት።

እት ዐድ ሐሙህ ተአቀብል። እትሊ ወክድ እሊ ምን አዳመ ፈተቸ ውበዕዳም ምን ሐምሐም ለትዳለ ለትፈናተ አግርበት ቤት ልትህየበ።

እናሰ ምን ከዐሌ ለትዳለ ህያብ ፍንቱይ እንዴ ሀበዩ እለ ሐ ክለ ናይኪተ ልብለ። ምነ ሐ ህዩ ለሐወዘት እንዴ ሐርደ ሳምን እብ ተማመ መናሰበት ወዴ እግለ።

ልተላሌ...

ሰደፍ ቱ ጉብእ

እት ኮምፒተር ለሳደፊ ጌገ ክልኤ ፓትሪሸዩ አን ካምፕል ለትበህለዩ ሐቱ ሰሚት ለበን በህለት ሰሚትን ሐቱ ለጉብኦት አሚርኪያት ዎርት ናይ ደማነት ደሐን ዕልብ ሰበት ሀበዩን እግለ ጌገ እግል ልትሰዩሕ እግለን እት መክተብ ቀርቦዩ።

እበ ጉብኦ ብሐሳት ህዩ ክልኢተን እት ሕድ እት ሐቱ ዕለት እት ዮም 13 ማርስ ሰነት 1941 ክም ትወለደዩ እት ሰነት 1959 እት ዕስክርየት ለአተው ሐቱ ሰሚት ለበም ሰብ ክም ተህደዩ፤ ክልኢተን 19 ወ21 ዕምር ለበም ክልኦት ሕጸን ክም በን፤ ሕድ ለሸብህ መጃል ተዐሊም ክም ነሰአዩ፤ እት ክል ምንን ለነብረ እተ መዲነት ህዩ እት ባንክ ክም ሸቅዩ ትወደሐ።

እስመዐኩም መሰምዑኒ

አነ ለእብለ ወምን ልብ ለአፈግረ እንዴ ይሐረጋርግ ወይአቀብል ግረ እት ምን እለክፈ ምንቱ ለአስትህለ እንዴ እቤ ለሀይበ ዘዐት እግልሚ ትብሎ ፍላን እለ ምኑ ትሰምዐት እላዲ አልሄታ ወኢቤለዩ አዳም ክሉ ረግዘት ወሰምዐቱ አክፈኦት ህቱ ላታ ኢነገ እለ ክለ ህግዩ ምን ደሚሩ ቀጥረት እግልሚ ኢመዩዘዩ ለሐይሰ ወሰተረት ፍላን ዮም ላተ ኢፋሉ ትብሎ ወትትሃገው እንዴ ንሰኦሉ ንሰምዑ እግልሚ ክእን በጽሐ እንዴ ቤለ እዝን ለከረ ንሳሉ እንዴ ሰብረ ውበሂልዩ ለአዳወረ ህቱ ወሰምዔኒ ወኣነ ወሰምዐኩው ምናተ አዜ ክሉ ቤለ እንዴ ረፍዐ ገለ ቤለ ወትበህለ እስመዐኩም መሰምዑኒ በክት ምን ተህይቡኒ ለልብል ክለ በልስ ምን ክሊነ ለሐይሰ እግልሚ ለሕርያን እት ኩብድ እለን ክልኤ ዘዐት እበ ለገረመት ወእበ ፈይሐት እበ ወትሰይሐት

አብ ፋጥነ 09.05.2017

10 ፍንቲት ርኩብ

